



Wanto

Niuspepa Bilong Yumi Ol PNG Stret!

K1 tasol

Namba 2154 Desemba 24 - 30, 2015 28 pes

pepsi pipol



Meri Krismas Olgeta! Em de bilong Amamas bikos Jisas em bon long dispela de...

Matyu Sapta 2:1-2 "Maria i karim Jisas long taun Betlehem long distrik Judia long taim Herot i stap king. Em i karim Jisas pinis, na bihain sampela saveman bilong hap sankamap i kam long Jerusalem na ol i askim nabaut olsem, Nupela pikinini em king bilong ol Juda, em i stap we? Mipela i lukim sta bilong em long hap sankamap, na mipela i kam long lotu long em."



Insait:

Lukim Krismas
Spesol insait...



Catholic
Reporter insait
P 13,14,15,16

Krismas
griting
bilong ol
sios lida - P11



Krismas vox-
pop - Kisim
tingting long
Krismas - P20

Friends love to share

One SIM for you & one SIM
for your bestie, only on
the friendlier network.

76003555 or 1555
connect@bmobile.com.pg

Connect with us on

www.bmobile.com.pg



Supporting
**PNG
MADE**

Bestie
two SIM pack
K5
only



PNG na Indonesia bai kirapim moa bisnis

Aja Potabe i raitim

MINISTA bilong Tred, Komes na Indastri, Richard Maru, i tok wanpela bikpela wok we em bai mekim neks yia em long strongim pasin poroman namel long PNG na Indonesia, na larim tupela kantri i wok bung wantaim long kirapim moa bisnis.

Gavman bilong PNG na Indonesia i bin sainim oplanti gutpela agrimen long promotim bisnis na invesmen long tupela kantri wantaim taim Presiden bilong Indonesia Joko Widodo wantaim bikpela delegesen bilong Indonesia i bin kam raun long PNG long mun Jun dispela yia.

Las yia, Praim Minista Peter O'Neill i bin sainim wankain agrimen tu long arim bisnis na treid i kamap strong long tupela kantri.

Nau Minista Maru i bilip strong olsem tupela kantri wantaim bai lukim oplanti gutpela samting i kamap bihain long em i autim wanpela tingting long Tunde olsem neks



Sampela ol senia gavman minista na wok manmeri bilong gavman bilong Indonesia husat i bin kam wantaim Presiden Joko Widodo long PNG long Jun dispela yia.

yia em bai mekim bikpela wok stret long kirapim moa bisnis i kamap namel long dispela tupela kantri.

“Wanpela bikpela wok mi bai mekim neks yia em long kirapim moa bisnis namel long PNG na Indonesia.

“Tupela gavman bilong yumi i bin sainim planti agrimen long larim tupela kantri i wokbung wantaim long kirapim moa bisnis.

“Mi bai larim ol dispela agrimen i karim kaikai na larim moa manmeri na bisnis haus o kampani bilong PNG na Indone-

sia i wokbung wantaim long kirapim gutpela samting na helpim ol pipel,” Mista Maru i tok.

Em i tok em bai kisim wanpela bikpela delegesen i go long Jayapura long West Papua, Indonesia neks yia.

“Dispela raun bai lukim planti ol nius manmeri tu bai go long Jayapura long promotim moa bisnis long kamap namel long tupela kantri bilong yumi,” Mista Maru i tok.

Ino long taim tasol, Praim Minista O'Neill i bin tok nupela intenesenel ples balus long

Kagamuga, Mt Hagen bai lukim ol balus i mekim dairekt flait i go long Jayapura.

“Dispela em i wanpela gutpela samting. Em bai larim yumi baim ol samting bilong Indonesia. Na tu ol manmeri Indonesia bai inap long kam raun long kantri bilong yumi na baim ol samting PNG i save mekim,” Mista Maru i tok.

Em i tok las yia em i bin kisim sampela ol bisnis manmeri long PNG i go long Honiara, Solomon Ailan taim em i bin kamapim wanpela

Kantri nidim nupela Sif Ombudsman

Aja Potabe i raitim

OMBUDSMAN apoinmen komiti i mas makim hariap nupela sif ombudsman bilong PNG. Dispela em i tok tok i kam long Oposisen Lida Don Polye.

Mista Polye i tok Ombudsman Komisnin i save mekim namba wan wok tru long sekim sapos ol lida bilong kantri i brukim lo o no gat.

Dispela lo bilong ol lida em ol kolim Lidasip Kod. Nau yet, Sif Ombudsman Rigo Lua i tok em bai risain o lusim wok na em i toksave pinis long Ombudsman apoinmen komiti.

Tasol Ombudsman apoinmen komiti i no bekim wanpela toktok.

Ol i no sindaun long miting na ol i no toktok long makim nupela man husat bai kisim ples bilong Rigo Lua.

Mista Lua bai lusim wok long Janueri 6 neks yia o bihain long tupela wik tasol.

Ombudsman apoinmen komiti i save gat 5-pela man. Praim Minista (Peter O'Neill) bilong PNG em i siaman bilong dispela komiti husat i save makim nupela sif ombudsman.

Ol narapela memba bilong dispela komiti em ol, Oposisen Lida (Don Polye), Sif Jastis (Sir Salamo Injia), Siaman bilong Pemenen Palamentri Apoinmens Komiti (Mema bilong Koroba-Kopiago, Philip

Undialu) na Siaman bilong Pablik Sevis Komisnin (Dokta Philip Kereme).

Mista Polye i soim wanpela pas em i bin raitim i go long ol dispela man o memba bilong makim Sif Ombudsman.

Em i givim kopi bilong dispela pas i go long Transperensi Intenesenel PNG, Ombudsman Komisnin na olgeta midia ogenesisen o ol nius kampani.

Wantok Niuspepa i lukim dispela pas we Mista Polye i tok; “Mi nau askim Praim Minista husat i siaman bilong dispela apoinmen komiti long kolim wanpela miting hariap long Janueri neks yia long makim nupela Sif Ombudsman.”

Maru laik daunim pe bilong balus

Aja Potabe i raitim

PE bilong baim balus long PNG na ol hotel rum long PNG em i antap tumas.

Dispela tupela samting i wok long pasim planti ol invesmen o bisnis long kamap long PNG.

Minista bilong Tred, Komes na Indastri, Richard Maru, i tok em bai wok hat long daunim pe bilong dispela tupela samting.

Mista Maru i mekim dispela toktok long Tunde dispela wik long Pot Mosbi, we em i bin

bungim ol nius manmeri long tok tenkyu long gutpela wok ol i save mekim long kirapim dispela kantri.

Minista Maru i tok dispela tupela samting i wok long stopim planti ol bisnis manmeri bilong narapela kantri long kam raun long PNG na mekim bisnis o invest long hia.

“Wok bilong mi olsem minista em long larim moa bisnis i kirap long dispela kantri. Long larim moa bisnis i kirap, bai mi traime stretim dispela tupela samting,” Mista Maru i tok.

Mista Maru i tok em i stretim toktok pinis wantaim Philippines Airlines na dispela balus i nau wok long go kam long PNG.

“Wankain taim, mi wok long toktok wantaim sampela balus kampani long Singapo. Air Niugini i save go long Singapo tasol prais bilong baim balus tiket em i bikpela mani tumas,” Mista Maru i tok.

Em i tok em i laik larim kompetisen i kamap long ol intenesenel flait olsem long Singapo, Hong Kong na Australia.

Bmobile-Vodafone i givim fri kol long krismas

BMOBILE-Vodafone i tok aut olsem olgeta kol namel long bmobile-vodafone namba bai i no gat sas bilong en long Krismas De long Desemba 25.

Sapos yu gat bmobile-vodafone namba, bai i fri long yusim dispela namba long ringim narapela bmobile-vodafone namba long Papua Niugini.

Long dispela spesel promosen, bmobile-vodafone i gat planti ol vois na data plen i no bikpela prais long helpim yu long ringim ol famili long PNG na ol narapela poro.

Sif Maketing Opisa bilong Bmobile-vodafone, Parag Panjwani i tok, “Wanem mining bilong Krismas sapos yu bai gat tupela tingting long ringim ol famili na poro bilong yu na toktok longpela taim long laik bilong



Sif Maketing opisa bilong Bmobile-vodafone, Parag Panjwani.

yu? Mipela long Bmobile-vodafone i laik givim ol pipel long PNG fridom long toktok long laik bilong ol wantaim ol famili

na poro bilong ol na i no ken tingting planti long ol sas na akaun balens. Em i wei bilong mipela long tok tenkyu.”

EVERY HERO NEEDS A MAMA FLAME

Mothers know it all starts with a full stomach. That's what gives their families the Strength & Energy to win.

Flame
STRENGTH & ENERGY

Flame Plain Flour
Flame Self-Raising Flour
Flame Wholemeal Plain Flour



Hamamas long greduesen...

Greduesen em i taim bilong amamas. Taim ol skul sumatin i save pinisim skul na kisim setifiket, diploma or digri pepa, ol i save amamas stret. Tasol sampela taim ol sumatin husat i greduet i no save pilim bikipela amamas taim ol lain bilong ol, ol papamama, ol brata susa o ol poroman bilong ol i no save kam witnessim greduesen. Dispela foto i soim Robert 'Turumbu' Himuku (namel) sanap wantaim bikipela susa na brata bilong en wantaim tupela liklik kandre bilong en. Mista Himuku i greduet long Desemba 11 long PNG Institut ov Pablik Administresen (PNGIPA) long Pot Mosbi wantaim tupela diploma pepa. Em i kisim nambawan diploma pepa long pablik administresen i kam long PNGIPA na namba tu diploma pepa long gavman menesmen i kam long Canberra Institut ov Teknoloji long Australia. Hela Provinsal gavman i bin sponsaim Mista Himuku long kam skul. Em i bin kilim wanpela yia stret na pinisim skul gut tru. "Mi tok bikipela tenkyu long Hela Provinsal Administreta, William Bando long luksave long hangere bilong mi long skul na kisim save. Mi bai go bek long Hela na yusim dispela save mi kisim long skul long kirapim nupela provins bilong mi," Mista Himuku i tok.

Man mas rispektim ol meri na pikinini



Oposisen Lida Don Polye

OPOSISEN Lida Don Polye (piksa) i bilip strong long bihain taim bilong dispela kantri.

Pasin Kristen long PNG em i wanpela gutpela samt-ing ol manmeri i mas bihainim long stap gut long bihain taim.

Em i tok PNG bai gat gutpela sindaun long bihain taim na wanpela rot long larim kantri bilong yumi i stap gut tru long bihain taim em sapos ol man i rispektim ol meri na pikinini.

Mista Polye i tok long wankain taim, ol meri tu i mas rispektim ol man na stap isi na stap aninit long ol man.

"Nau em i Krismas taim na long dispela taim, mi tingim bek long stori bilong Buk Baibel we Jisas i bin bon.

"Taim Jisas i laik bon, Joseph i bin lukautim Mary gut na helpim em. Wankain olsem, ol papa i mas helpim ol meri bilong ol.

"Dispela em i Krismas tok-tok bilong mi. Ol papa i dring bia, go pati nabaut na belhat long ol meri na pikinini bilong ol long dispela taim," Mista Polye i tok.

Em i tok ol papa i mas givim inap taim long ol pikinini na stap wantaim ol

pikinini long dispela Krismas taim.

"Yumi ol papa i mas save olsem ol pikinini bilong yumi i save laik long stap wantaim yumi tasol planti taim sampela papa i no save gat taim long stap wantaim ol pikinini," Mista Polye i tok.

Long sait bilong em yet, Mista Polye i tok em i save laik tru long stap wantaim ol pikinini bilong em tasol wok bilong em olsem lida man bilong PNG i save mekim na em i no save gat planti fri taim long stap wantim ol pikinini.

"Mi save gat laik long tok-tok wantaim ol pikinini bilong mi. Tasol wok bilong mi olsem lida bilong 700, 000 manmeri bilong Kandep i save mekim mi nogat taim long stap wantaim ol pikinini na famili bilong mi," Mista Polye i tok.

Em i salensim olgeta papa long PNG long stap wantaim ol meri na pikinini na selebretim dispela Krismas.

"Noken kirapim trabel na pait. Stap isi wantaim meri na pikinini bilong yupela na amamas long dispela Krismas taim," Mista Polye i tok.

Dispela em i Krismas tok-tok i kam long Mista Polye.

'Tis the season to be jolly, What have you planned for this season? **Family feasts, Gifts, Travel Expenses?** Make this **season** merrier with a

BSP PERSONAL LOAN

- ✓ 100% unsecured loan
- ✓ Flexible repayment terms
- ✓ Loan up to K50,000
- ✓ Quick approval

320 1212 / 7030 1212 - 24/7
 servicebsp@bsp.com.pg
 www.bsp.com.pg

Moa kampani joinim POMCCI

POT Mosbi Sembov Komes na Industri (POMCCI) i ran gut tru na i gat bilip olsem ol bisnis long PNG bai ran gut maski kantri i bungim planti hevi na gavman i sot long mani.

Presiden bilong POMCCI, Ron Seddon, i tok dispela semba i kamap bikpela tru insait long Pasifik rijon na i winim ol arapela semba bilong komes na industri long ol narapela Pasifik kantri.

"POMCCI i wok long gro. Planti kampani i joinim POMCCI na nau klostu long 400 kampani i joinim dispela semba na kamap memba," Mista Seddon i tok.

Mista Seddon, husat i namba wan man PNG o PNG sitisen long kamap presiden bilong POMCCI, i mekim dispela toktok las wik Fonde long Pot Mosbi.

Em i tok POMCCI i wok long sapotim ol bisnis haus na kampani long stopim pasin korapsen na dispela em i wok long go het gut tru.

"Fainensal posisen bilong mipela i stap gut tru. Mipela i kamap bikpela semba long Saut Pasifik.

Mipela i wok long mekim planti gutpela samting long kirapim bisnis long Pot Mosbi na PNG.

"Mipela i sapotim ol bisnis haus long mekim bisnis stret na



Pot Mosbi siti i wok long gro na moa long 380 bisnis haus i kamap memba bilong POMCCI.

stopim pasin korapsen long PNG. Mipela i bin sapotim XV Pasifik Gems long Pot Mosbi na dispela em ol sampela gutpela samting POMCCI i wok long mekim," Mista Seddon i tok.

Sif Eksekutiv Opisa (CEO) bilong POMCCI, David Conn, i tok PNG i nidim gutpela rot, pawa saplai, sip bris na ples balus we dispela ol samting bai larim moa bisnis i kirap.

"Mipela i lukim olsem gavman i wok long kirapim pawa

sapulai, ol rot na sip bris, na ol ples balus. Dispela em i gutpela samting gavman i mekim long kirapim moa bisnis long kamap.

"POMCCI i laikim gavman long sapotim ol liklik bisnis na helpim ol manmeri long mekim bisnis. Mipela bai sapotim ol manmeri na ol liklik bisnis o SME.

"SME em i wanpela ki eria bilong ikonomi bilong dispela kantri. Mipela i laikim gavman long sapotim SME.

Edukesen Dipatmen na Nesenel Fiseris Atoriti bai gat trening program



Prinsipal bilong Nesenel Fiseris Kolis, Jeff Kinch, Seketeri bilong Edukesen, Dokta Uke Kombra na Menesing Dairekta bilong NFA, John Kasu i sainim Memorandum bilong Andastending (MoU).

Esther Bralyn Wani i raitim

DIPATMEN bilong Edukesen (DoE) na Nesenel Fiseris Atoriti (NFA) i sainim wanpela Memorandum bilong Andastending (MoU) long wanpela trening program namel long tupela.

Dispela agrimen i kamap namel long NFA em Nesenel Fiseris Kolis (NFC) bai i gat ol TVET trening program insait long ol sampela vokesenel skul.

'Dispela saining bai bungim patnasip bai i lukim Fiseris Edukesen Program bilong Teknikel Vokesenel Edukesen na Trening (TVET) i stap insait long nesenel edukesen sistem,' Seketeri bilong Edukesen, Dokta Uke Kombra i tok.

Dokta Kombra i tok, 'Bai ol i bung na tis wantaim Nesenel Fiseris Kolis (NFC) bikos DoE na NFC bai i gat sans bilong trening na givim helpim long yusim na developim i go bikpela kwaliti bilong ol fiseris trening program.'

'Mi save olsem dispela tingting bilong fiseris trening i kamap long Fiseris Trening Nids Analisis we ol i karim aut long 2011 we ol risalt i soim olsem olgeta Vokesenel Trening Senta long Maritaim provins i nogat

wanpela kurikulum bilong ol kos i wankain long fiseris. Sampela ol pipel bai kisim trening long Vokesenel Senta i kisim sapot long Nesenel Fiseris Kolis long skulim ol fiseris program long ol institusen bilong ol,' Dokta Kombra i tok.

Dokta Kombra i tok long dispela as, NFC i harim toktok bilong Fiseris Trening Advaisori Komiti na helpim bilong Edukesen Dipatmen long kamapim wanpela stendet fiseris kurikulum bilong ol TVET institusen ol i makim long yusim.

'Mi amamas long tok NFA bai karim aut ol samting bilong program na bai kisim Trening bilong ol pipel bai kamap treina program bilong ol TVET tisa taim Fiseris Edukesen na Trening Program bai givim ol risos long ol TVET institusen long TVET kwalifikesen fremwok bilong ol sumatin long developim save long fiseris sekta,' Dokta Kombra i tok.

Long wankain taim, Menesing Dairekta bilong NFA, John Kasu i tok, 'Dispela MoU em i bikpela samting na NF bai givim ol risos long dispela program tasol ol i nidim helpim bilong Dipatmen bilong Edukesen.

Em i tok dispela tren-

ing em i bikpela samting namel long NFA na DoE long givim save long ol pipel long save long yusim ol prosesing plent.

Ol program bai ol i givim em; Nesenel Setifiket 1 Post Harvest Operesen (PHO1), Nesenel Setifiket 1 Smol Fiseris Operesen (SFO1), Nesenel Setifiket 1 insait long Komesel Fising Operesen CFO1), Nesenel Setifiket 1 insait long Akuakalsa na Nesenel Setifiket 2 insait long Aquakalsa.

Long wankain taim, Prinsipal bilong Nesenel Fiseris Kolis (NFC), Jeff Kinch i tok, 'Mipela i kirapim dispela program bikos mipela i lukim olsem mipela i no karamapim olgeta hap long kantri bikos nogat nogat inap risos na fasiliti.

Mista Kinch i tok ol i developim wanpela stendet kurikulum we ol Vokesenel skul bai skulim ol komesel sekta na bilong ol komyuniti sekta. Em i tok dispela ol i bin traim long Badili na i bin kamap gut.

Long dispela 10-pela vokesenel senta long kantri i laik tu long givim aut dispela program long komesel fising operesen. Ol i basetim na yusim K600 000 long baim ol samting bilong trening na ol instrakta tu.



Word Publishing Company Ltd

P. O. Box 1962, Boroko, NCD 111, PNG. Tel: (675) 325 2500 Fax: (675) 325 2579 Email: seovo@wantok.com.pg / word@wantok.com.pg

Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the WANTOK to you each week. We publish the WANTOK 52 times a year.

AIRMAIL SUBSCRIPTION RATES (includes postage & handling)
PNG K220.00, Aus:ralia/New Zealand US\$ 10.00, AsiaPacific US\$150.00
Rest of the World US\$210.00

NCD HOME DELIVERY
K0.80t per copy or K65.00 for two or more copies & Office pickup K52.00 per year for a copy.

Please send me _____ copy/copies of WANTOK for one year.

I enclose Kina/USD _____ as full payment.

Name _____

Postal Address _____

City _____

State/Province (abbreviation) _____

Country _____ Zip/Postal Code _____

Street Address _____

Telephone _____ Fax _____

Email _____

Signed _____ Date _____

Ho!Ho!Ho!
Meri Krismas!



Publisher of



WANTOK
Niuspepa bilong Yumi ol PNG Stret!

Today
Monthly English paper

Namba 3 grduesen bilong Karanas Praimeri

KARANAS Praimeri skul long la-ibu insait long Sauten Hailans provins i holim namba 3 gret 8 greduesen wantaim 31 sumatin i greduet.

Kaunsil Presiden bilong Kewabi LLG, Francis Wilipa i tokim ol pipel i greduet olsem ol i nogat oil, ges na ol narapela risos olsem ol narapela hap insait long Sauten Hailans tasol ol i gat edukesen.

'Edukesen em i wanpela risos we mipela i mas inves long en, save long skulim mipela yet, save long wok bilong yu long laip bikos edukesen em i bihain bilong yu,' Mista Wilipa i tok.

Mista Wilipa i tokim ol sumatin olsem God i gat wok na plen long laip bilong ol na ol i mas noken lusim edukesen.

Long wankain taim, Het tisa Philip Kapu skul i liklik wantaim 290 sumatin na 11-pela tisa, skul i bin salim 90 pesen bilong ol sumatin i go long gret 9 long tupela yia i go pinis.

Mista Kapu i tok dispela inisitiv

em bilong wanpela lokol bisnis man long hap, Raphael Noipo, na em bin kirapim gutpela tingting long dispela eria.

'Mista Noipo i bin laik olgeta pipel bilong em long skul na kamap olsem em wanpela de,' Mista Kapu i tok.

'Planti bilong mipela i save wok-about long longpela rot long go long skul, tasol nau mipela i gat skul long komyuniti we i helpim 8-pela viles,' Mista Kapu i tok moa.

Kapu i tokim ol komyuniti long lukautim skul na edukesen bilong ol pikinini bilong ol na tok tenkyu long wanpela komyuniti lida, Warea Kay, husat i givim mani bilong ol tisa na daks sumatin.

Ol sumatin long Karanas Praimeri skul husat i greduet na ol komyuniti lida long namba 3 greduesen.



Ol sumating go sekim ol skolasip.

Australia Awat i raun go long Nu Ailan provins

OL pipel long Nu Ailan provins i redi long aplai long ol Australia Awat Skolasip bihain long ol, sampela infomesen sesen long provins long Disemba.

Australia Awat i kamapim ol narapela jeneresen bilong ol lida long Papua Niugini wantaim wanpela sans long kisim teseri stadi, risets o

profesenel developmen long Australia.

Wanpela Australia rotso long Kavieng i givim infomesen na aplikesen, ol rot bilong mekim, kriteria na ol bikpela hap.

Ol rotso em long raun lukim ol provins long 2015 na 2016 long helpim ol pipel long Papua Niugini long redim aplikesen bilong stadi

long Australia long 2017.

Husat i winim dispela Australia Awat i ken stadi long tupela yia insait long ol yunivesiti long Australia husat i stap insait long dispela na ol teseri institusen. Bihain ol i ken go bek long PNG na givim long developmen bilong kantri, long ol eria olsem helt, edukesen, infrastraksa, lo na jastis.

Ol meri, ol pipel i stap wantaim disabiliti na ol pipel i slip na wok long ol provins i ken aplai. Ol pipel i gat sans long aplai i ken aplai hariap na givim wanpela bikpela kwaliti aplikesen.

Long painim moa infomesen long ol provinsal rotso bihain sekim www.australiaward-spng.org

Ol meri, ol pipel i stap wantaim disabiliti na ol pipel i slip na wok long ol provins i ken aplai. Ol pipel i gat sans long aplai i ken aplai hariap na givim wanpela bikpela kwaliti aplikesen.

Long painim moa infomesen long ol provinsal rotso bihain sekim www.australiaward-spng.org

Edukesen Dipatmen bai rausim sampela kos

DIPATMEN bilong Edukesen (DoE) bai rausim sampela samting long daunim kos bilong mani ol i yusim long mekim ol samting.

Minista bilong Edukesen Nick Kuman i tok sampela program we DoE i karim aut bai ol i katim daun long westim insait long sistem na makim long kirapim kwaliti edukesen bilong kantri.

Mista Kuman i tok ol dispela intavensen program bai i strongim polisi bilong gavman long yunivesel na kwaliti edukesen bilong olgeta pikinini long Papua Niugini (PNG).

'Sampela ol dairekt intavensen bilong gavman bai i luksave long isi long skul na holim ol sumatin insait long skul sistem i mas kisim namba wan edukesen autkam long kantri.

I no em tasol, mipela i laik luksave olsem ol pipel insait long edukesen sistem ol i mas lukautim ol na mekim gut long ol insait long sistem bilong gavman,' Kuman i tok-tok long ol tisa.

Mista Kuman i tok ripot bilong Robert Ganim long edukesen sistem i soim olsem gutpela sidaun bilong ol tisa long kantri.

Palamentri Edukesen Rivi Komiti aninit

long siaman bilong Robert Ganim husat em memba bilong Wabag i bungim dispela ripot bilong PNG edukesen sistem.

'Gavman i kisim olgeta rekomendesen i stap long ripot bilong Ganim.

Ol i luksave olsem aninit long lidasip bilong mi wantaim DoE, mi save givim instraksen olsem ol i bai mekim wok long olgeta rekomendesen.

Wanpela em bilong brukim perol sistem bilong ol tisa,' Minista Kuman i tok.

Minista Kuman i tok Alesco Perol sistem i stap long ol provins i ken helpim long ol tisa i no save lusim skul wanpela de na gat ol giaman nem long perol.

'Long dispela mipela i kisim planti salens.

Mipela i nid long mekim gut long Alesco sistem, em olsem baiodata bilong ol tisa na sekyuriti kot i mas go insait long sistem.

Dispela em long luksave olsem mipela i no gat ol giaman nem i stap na givim moa mani long gavman bai baim,' Minista Kuman i tok.

Em i tok ol edukesen menesa long distrik i go long provinsal level i mas luksave olsem dispela pasin i mas stop long sevim mani.

Long wankain taim,

Web Self Sevis (WSS), we i hap bilong perol sistem, bai i luksave olsem ol tisa long Enga i ken isi long kisim peslip long fotnait we ol i no inap flai go insait long Pom long askim long ol pe bilong ol.

'Mipela i no inap gat 48, 000 tisa long kantri i kam long Pot Mosbi long kisim peslip.

Em i hevi long ikonomi sait bilong ol tisa na ol tisa i save lusim skul sampela de. WSS bai stopim dispela,' Minista Kuman i tok.

Em i tok tru wari hevi bilong ol tisa em bikpela wari we em i save na gavman tu i save na ol i laikim ol tisa long skulim ol pikinini gut.

Em i tok moa long katim daun ol sampela program long putim mani long ol sevis olsem helt, edukesen na ol program bai helpim kantri.

Taim ol i mekim olsem em i tok sampela wok bilong Tisa Sevis Komisn ol i ken skelim long ol provins we ol tisa i ken kisim sik entaitelmen, sik liv, metaniti liv na ol i ken stretim long ol provins bai ol i no inap kam long Mosbi

ACP Teddy Tei i dai

KOMISINA bilong polis, Gary Abki, i tok aut long dai bilong Asisten Komisina bilong polis (ACP), Teddy Tei Komanda.

'Mi wari long tok aut olsem ACP Tei i dai long wanpela hevi i kamap long rot long bikmoning

long Trinde las wik. Dispela em i bikpela wari long RPNGC na kantri tu,' Komisina Baki i tok.

ACP Tei i bin Komanda bilong nupela Hailans-Westen Koman bes long Mendi long Sauten Hailans provins. Leit Tei i dai bihain

long bikpela hevi i kamap long rot sait long Wara Kumun bris long Westen Hailans provins long 5 klok long moning taim em i go bek long Mendi long Hagen.

Komisina Baki i tok ol i salim bodi bilong ACP Tei i go long Pot Mosbi.

Ol bai tok aut long ol arensmen bilong haus krai bilong en bihain liklik.

Long nau yet, Sif Suprintenden, Kaiglo Ambane, bai kamap eking ACP Hailans-Westen Koman inap ol i makim nupela man.

Opim Sentral 2015-2016 Krismas operesen

PROVINSAL polis komanda (PPC) bilong Sentral provins, Sif Inspekta Laimo Asi, i opim 2015-2016 Krismas operesen long mas bilong PPC long Kwikila ragbi fil long Tunde.

PPC Sif Inspekta Laimo Asi na Asisten Polis Komisina na NCD Komanda Sylvester Kalaut, ol polis long Sentral provins na tu ol memba bilong Sentral Provinsal i stap insait long mas bilong PPC long lukim ol i opim krismas operesen bilong Sentral provins.

Mista Asi i amamas long ol polis opisa bilong en long hat wok bilong ol long mekim polis wok long 2015 na i tok Sentral provins i mekim histori long kamap namba wan long kantri long gat bikpela namba bilong ol konviksen na kot long 2015.

'Ol i salensim mipela long planti rot, sampela gutpela, sampela nogut, mi tok tenkyu long yupela olgeta. Ol taim



ACP NCD, Sylvester Kalaut, i givim awat bilong eksele long wanpela bilong ol Sentral polis CID memba taim Mista Asi i lukluk.

nogut i kamap tasol mipela i stap yet na bai yumi stap laip yet,' Mista Asi i tok.

Em i tokim ol pipel long Sentral provins olsem i gat inap polis man na ol kar long mekim wok long taim bilong krismas operesen.

Long wankain taim, Mista Asi i toktok long Fraide 2016 Eksen Plen bilong Sentral provins

bai ol i givim aut bihainim 2016 RPNGC Eksen Plen we Polis Komisina Gary Baki i

givim aut long las mun long komprens bilong ol komisina long Buka.

Em i tok aut olsem wanpela bilong ol bikpela senis insait long eksen plen bai ol i no inap larim ol pipel bilong helpim long stap long ol stesin, bai ol i kalabusim ol sapos ol i mekim olsem.

Komanda NCD ACP Kalaut i givim ol setifiket long 9-pela polis opisa i mekim gut wantaim bikpela namba long

konviksen na kot kes long dispela yia.

Mista Asi na Kalaut i amamas long ol pipel bilong Sentral provins long wok bung bilong ol wantaim ol polis tok aut olsem dispela krismas bai nogat bia.

Mista Kalaut i askim ol pablik long rispektim lo na salensim ol polis opisa na pablik long kamap ol gutpela manmeri, na mekim dispela krismas i nogat trabel na i gutpela

RPNGC i opim nupela buk

Esther Bralyn Wani i raitim

ROYAL Papua Niugini Konstabulari (RPNGC) i opim nupela buk bilong ol i gat histori bilong ol polis insait long 127 yia.

Polis Komisina, Gary Baki, i opim dispela buk taitel bilong em, Royal Papua New Guinea Constabulary: A brief History.'

Komanda bilong Australia Federel, Asisten Komisina, Alan Scott, Ekting Deputi Komisina Operesen, Jim Andrews na Komanda bilong NCD, Sylvester Kalaut i bin lukim dispela lonsing.

'RPNGC tude i 127 yia. Mipela ol olupela ogenaisesen long PNG tu. Mipela i bin stap long long bungim kantri bilong yumi,' Komisina

Baki i tok.

Komisina Baki i stori liklik long histori bilong RPNGC we i stap insait long dispela 95 lip buk ol i kamapim.

'Mi laik tok tenkyu long Australia Federel Polis insait long Papua Niugini- Australia Polising Patnasip long givim mani long bungim, pablisim na prinim buk. Mi laik tok tenkyu long Asisten Komisina Scott long sapot em i givim long bikpela aset bilong RPNGC. Na bikpela tenkyu long Jamie Loveday long wok hat long mekim wok painim aut long histori bilong Konstabulari na painim ol gutpela ol piksa bilong bipo,' Komisina Baki i tok.

Long wankain taim, Komanda Scott i tok, 'Dispela histori bilong



Polis Komisina, Gary Baki

Konstabulari em i bikpela samting long na mipela i mas lukluk go bek na go pas wantaim.'

Komanda Scott i tok ol i kamap wantaim dispela tingting long givim Komisina Baki wanpela presen tasol em i kamap bikpela tru. Em i tok em i gat bikpela amamas long mekim dispela buk.

Ol buk bai stap insait long Nesenel Laibri, Nesenel Akaiv, Yunivesiti bilong Papua Niugini na Polis kolis tu.

PNG i gat sans long trening insait long U.S Militeri

PAPUA Niugini (PNG) i gat sans long stap insait long Yunaitet Stet (U.S) Dipatmen bilong Difens na Stet long Militeri Akademi Klas bilong 2020.

U.S Embasi na Difens Atej opis long Suva long Fiji i amamas long tokaut olsem U.S Dipatmen bilong Difens na Stet i makim PNG long makim 6-pela kendidet long resis bilong go insait long U.S Militeri Akademi (USMA) Klas bilong 2020 we ol bai go insait long 27 Jun long 2016.

Long dispela ol PNG kendidet i ken resis bai ol i makim ol insait long Yunaitet Stet Sevis

Akademi: U.S Militeri Akademi long Wes Poin, long U.S Naval Akademi long Anapolis, na U.S Kos Gad Akademi long Nu London.

Ol eplikesen bilong klas bilong 2020 i mas salim i go long ol rait sevis akademi long de i pinis.

Long Militeri Akademi long Febuari 29 long 2016, long Naval Akademi long Mas 31 long 2016 na Kos Gad Akademi long Februeri 1 long 2016.

Wanpela intenesenel kendidet bai go skul long sevis akademi olsem ful taim sumatin na greduet wantaim

basela digri long bikpela karikulum bai i senisim wanpela long save, militeri, kamap strong long wanpela hap i save promotim developmen bilong gutpela pasin.

Ol foren sumatin bai i kisim wankain trening, pe na ol poket mani olsem wanpela U.S sitisen, na i stap aninit long wankain lo. Tasol, ol i no inap wok wantaim U.S militeri o promis aninit long Yunaitet Stet.

Husat ol i makim em long PNG bai sainim wanpela kontrak wantaim PNG Difens Fos long go bek na wok olsem wanpela opisa long PNG Difens Fos long sampela taim.

Komanda Scott bilong AFP bai lusim PNG

Esther Bralyn Wani i raitim

KOMANDA bilong Australia Federel Polis Asisten Komisina, Alan Scott bai i lusim Papua Niugini (PNG) bihain long tupela yia em i wok wantaim Royal Papua Niugini Konstabulari (RPNGC).

Polis Komisina bilong PNG, Gary Baki i tok gut bai long em long taim bilong opim nupela buk i gat histori bilong RPNGC long las wik.

Komisina Baki i tok, "Polis Minista Robert Atiyafa i tok olsem Komanda Scott i strongim gutpela wok namel long PNG Australia Polising



AFP Komanda Scott

Patnasip na RPNGC.

Ol program na projek i gutpela tasol em i nidim wanpela lain i save givim taim na gat pasin bilong lukautim samting long kamapim senis na Komanda Scott yu mekim senis i kamap."

"Mi save PNG i stap

long lewa bilong yu na mi save olsem taim yu go bek bai mipela i gat wanpela wan wok na wantok long Kenbera. Planti ol PNG wanwok bilong i lukim olsem yu wanpela trupela wantok," Komisina Baki i tok.

Em i tok long Buka em givim Komanda Scott 100 pesen asesmen long Tok Pisin bilong em. Em i tok dispela em i bikpela senis na soim laik pasin bilong Komanda Scott long PNG, ol pipel na RPNGC.

Komisina Baki i tok tenkyu long Komanda Scott long bikpela sapot em i givim long RPNGC long tupela yia.

Season's Greetings

KUMUL PETROLEUM Holdings Limited

The Board, Management and Staff of Papua New Guinea's National Oil and Gas Corporation - Kumul Petroleum Holdings Limited, would like to extend this Season's Greetings to the 7 million plus people of Papua New Guinea who are the ultimate shareholders of KPHL; its business partners and other stakeholders a **Merry Christmas and Prosperous 2016**

5-pela Little Rascal i kisim Krismas i go long 140 pikinini long Pom Jen

5-PELA liklik raskol bilong tupela famili i stap long Avenel Ejining Sevis Kompaun long Ravuvu bai kisim Krismas i go long 140 sik pikinini long Pot Mosbi Jenerel Haus sik tude.

Long taim ol i wok long go long skul long bas wanpela moning, Arlyiah, Carla, Conrad Priest, Oscar, Hamish na McVey i gat krismas namel long 6 na 10 i tingting long kamapim

pikinini klap bilong ol em 'Little Rascals' o liklik raskol.

Namba wan projek bilong ol em long painim we bilong helpim ol narapela pikinini i no gat inap samting olsem ol.

Planti raun ol i mekim long taim bilong skul long Oktoba na Novemba long redi long mekim projek, long bungim mani bilong baim ol Krismas presen bilong ol pikinini long Pot Mosbi Jenerel Haus sik.

Ol Little Rascal i mekim tupela fanreising. Wanpela em kofi na narapela em kek maket long AES kompaun na membasip draiv bilong klap bilong ol. Ol i bungim K1300.

Sif Eksekutiv Opisa (CEO) bilong AES, Dom Avenell i amamas long bisnis bilong ol na kain pasin na em i givim K1400 long makim mak ol i bungim long en.

'Mipela i laik helpim ol pikinini i sik na sapos

mipela i sik mipela i laikim wanpela long mekim wankain long mipela, mipela i bungim K2700 na mipela i ken baim presen bilong olgeta,' Arlyiah i tok.

Krismas em i taim bilong famili long wanem taim ol sik pikinini i kisim presen ol famili bilong ol i kisim K10 fleks kat long ringim ol famili bilong ol.

'Mipela i laik tok tenkyu long Meat Haus long pepa na givim ol bret bilong ol pikinini.

Mipela i no save long pasim ol presen long wanem samting na bihain mipela tingim mama i save pasim ol mit long pepa bilong Meat Haus,' Oscar i tok.

Bikpela toktok long dispela em olsem sapos yu ting olsem yu yangpela tru o liklik tumas long mekim wanpela senis, tingting gen bikos traim lukim ol 5 Little Rascal i gat krismas long 10 i go daun i ken mekim.



Yut, Meri na Famili

Pastor
Barbara Lunge

Meri i gat spesel wok long graun.

MERI i gat spesel wok long mekim long laip bilong en taim em i stap long ples graun. Em i gat wok insait long famili, ples, long bisnis o gavman o long wok bilong God. Insait long olgeta dispela institusen, meri i stap bai ol wok i kamap gut.

Tok bilong God insait long buk Stat i tok, man i nidim wanpela long helpim em na long stap Poroman wantaim em long lukautim olgeta samting God i bin kamapim. "Orait, God, Bikpela i mekim man i slip i dai tru. Na taim man i slip yet, God i kisim wanpela bun long banis bilong man na i pasim gen skin bilong dispela hap.

Orait God wokim wanpela meri long dispela bun em bin kisim long man, na bihain em bringim meri i go long man. Man i lukim meri na em i tok olsem, "Em nau.

Em i Poroman tru bilong mi, Bun bilong em i kamap long bun bilong mi, na mit bilong em i kamap long mit bilong mi. God i wokim em long bun bilong mi, olsem na bai mi kolim em 'meri.' Buk Stat 2:21-25.

Orait God i wokim ol manmeri na ol i kamap olsem God yet. God i mekim ol i kamap man na meri. Na God i mekim gutpela tok bilong givim strong long ol.

Em i tokim ol olsem, "Yupela i mas kamap planti na i go sindaun long olgeta hap bilong graun na bosim olgeta samting i stap long gen. Mi putim ol pis na ol pisin na ol kain animal bilong graun aninit long yupela." Buk stat 1:27-28.

Long dispela taim man i no wokim sin olsem na ol i stap long piksa bilong God yet. Tasol ol i wokim sin na piksa na pasin bilong God i lusim ol.

Bihain ol i painim birua wantaim man bilong jeles, giaman, sutim tok na save kilim man, em tewel satan, bikpela snek nogut. Meri na satan i kamap birua bihain long satan i bin giamanim meri na mekim man i pundaun long sin.

"Na God, Bikpela i tokim snek olsem, "Yu bin mekim dispela pasin nogut, olsem na nau mi gat strongpela tok bilong daunim yu. Bai yu gat bikpela hevi. Hevi yu karim bai winim hevi bilong olgeta arapela animal.

Nau na long olgeta taim biahian bai yu wokabaut ong bel bilong yu tasol. Na bai yu kaikai das bilong graun. Na bai mi mekim yu i stap birua bilong meri, na meri i stap birua bilong yu.

Na bai mi mekim ol lain bilong yu i birua long lain bilong meri. Bai ol i krungutim het bilong yu, na bai yu kaikai lek bilong ol." Buk Stat 3:14-15

I gat planti stori bilong ol meri long Baibel husat i save mekim ol wok bilong larim ol kalabus lain i go fri, kisim ol bek long birua, ol komyuniti, kantri na olgeta hap graun. Yumi lukim klostu moa long yangpela meri em Maria, mama bilong Bikpela Jisas Kraus, Sevia bilong Wol.

"Yangpela Maria i harim tok bilong ansel long Luk 1:26-33. Dispela ensel i kam wantaim toksave long Maria bikos em i stap yangpela yet na i no marit long wanpela man. Na ensel i tok, "Holi Spirit bai i kam long yu, na strong bilong God Antap Tru bai i karamapim yu.

Olsem na dispela pikinini bihain bai yu karim, em bai i stap gutpela na stretpela man bilong God, na ol bai i kolim em Pikinini Bilong God."

Na sapos laip bilong yu em i pulap long pasin bilong aigris na mangal olsem bilong kisim biknem na namba, pasin bilong tingim mi yet, belhat, bel nogut ol kain pasin olsem. Yu mas tanim bel na tok sori long God bai em i lusim sin bilong yu na laip bilong yu bai go bek gen olsem namba wan taim na bai yu kisim piksa bilong Bikpela God gen.

Long taim yu i stap long piksa na pasin bilong God em yu inap long karim ol pikinini i luk olsem God na ol bai brukim het bilong satan olsem Maria, Mama bilong Jisas i mekim!

No ken paitim ol Meri!!! God, sevia bilong ol bai pait long ol man husat i paitim ol meri na husat i gat tingting nogut, em bai winim em na bagarapim tu.

Olsem na long dispela taim bilong Krismas taim, lukautim na onaim ol meri, mama na susa bilong yu olsem ol i meri i gat namba!!!

Ol meri amamas long bilasim fran bilong opis

James Kila i raitim

EM SISEN nau bilong amamasim Krismas na salim ol Krismas griting kad na tu ol presen long ol gutpela pren, famili memba na ol lain yu amamasim 2015 yia wantaim.

Ol kampani na tu ol gavman opis i wok long kisim ol Krismas griting kad long ol kastoma na klaien bilong ol husat i wok klostu wantaim long dispela yia 2015.

Spesel mining bilong Krismas em long tingim Mama Maria i karim Jisas Kraus, husat em Lod na Sevia bilong yumi ol Kristen bilipman meri long graun.

Kain kain ol piksa na toktok i stap long ol Krismas griting kad na tu ol presen we ol bisnis na gavman lain i salim long ol yet long tok amamas long wok namel long ol yet.

Dispela poto i soim tripela wokmeri long Madang i lainim ol bilas long wanpela Krismas diwai i stap fran long Operesens bes bilong Ramu NiCo Menesmen long Madang. Wankain pasin i kamap tu long ol arapela bisnis na gavman opis insait long PNG.

Strongpela lotu meri long poto Janet Tindipu i tok Krismas em spesel taim bilong yumi olgeta Kristen long tingim bikpela Jisas Kraus i kam daun long graun na sevim yumi ol sin manmeri.

Em spesel taim long Kristen kalenda we yumi mas tingim gut na no ken amamasim wantaim ol pasin nogut bilong graun we i no bihainim gutpela Kristen bilipman olsem dring spak, mekim pati na amamas nating nating wantaim no gat gutpela Kristen pasin.



Lovelyn Kavata, Elizabeth Tuya na Janet Tindipu i lainim ol Krismas kad na ol presen long fran long wanpela Krismas diwai long Madang Bes bilong Ramu NiCo (MCC) long Madang taun. Foto: James G.Kila

PBF i amamas long Mis Pasifik

Esther Bralyn Wani i raitim

PASIFIK Balens Fan (PBF) husat i bin sponsa long Abigail Havora long resis long Mis Pasifik Ailan PNG i amamas long em i winim Mis Pasifik 2015.

Eksekutiv Siaman, Robert Igara, i amamas long Mis Havora na em i tok, "Em i mekim bikpela senis long PNG na nau long Pasifik. Mipela olgeta i laik ol prinsipel bilong em na laik pasin bilong makim maus bilong ol lain we i hat long toktok."

"Long makim maus bilong Trustee Melanesian Trustee Sevis Limitet (MTSL), Bod, Menesmen, ol woklain na Yunit Holda bilong PBF, mi salim tok amamas bilong mipela long Abigail na PNG Mis Pasifik Pejen tim."

"Taim ol i askim PBF long sponsa long Mis Havora long resis long Mis PNG mipela i lukim olsem wanpela sans long helpim em lukim ol driman bilong em, na tu helpim mipela long tokim pablik husat i bin inves wantaim PNG Invesmen



Ol i karim Mis Pasifik, Abigail Havora wantaim ol sumatin long Cook Ailan bihain long em i bin win.

Kopresen Fan, long inves gen wantaim mipela," Mista Igara i tok.

Mista Igara i tok, "Ol trasti na menesa bilong PBF (pastaim i bin PNG Invesmen Kopresen), i laik kamapim gen kontek wantaim 13,000 papa tru bilong total long moa olsem 3 milien invesmen yunit."

Em i tok planti bilong ol investa na ol famili bilong ol i no inap save olsem ol i go het long gat intres long dispela fan, bikos nem i senis long Invesmen Kopresen Fan i go long Pasifik Balens Fan (PBF).

"Long sapotim Mis Havora resis long Mis PNG mipela i lukim sans long helpim em

wantaim driman bilong em long sapotim ol meri, na tu long tok save long ol investa long ol invesmen bilong ol i stap long PBF," Mista Igara i tok.

Mista Igara i tok win bilong Mis Havora em i bikpela samting long kain naispela yangpela meri. Em i tok ol i



Royal Papua New Guinea Constabulary

Christmas Message from Commissioner of Police Gari L. Baki CBE, CStJ, QPM, DPS



2015 has been a challenging year for Papua New Guinea, one characterized by change and progress.

The Royal Papua New Guinea Constabulary, despite the overwhelming challenges, the Constabulary's will and determination to protect and serve the people of Papua New Guinea continues undiminished.

For Papua New Guinea, the successful Pacific Games in Port Moresby in July this year was perhaps the highlight of 2015. Everyone, including members of the RPNGC, the PNG Defence Force and the Correctional Services came together to raise the PNG flag higher.

The Games experience is indeed invaluable for PNG's determination to host the APEC in Port Moresby in 2018.

For the RPNGC, perhaps the highlight of 2015 was the elevation or promotion of 12 senior officers to the rank of Assistant Commissioners of Police. This single promotion was a change of the old guard and heralded the beginning of a new and even better style and level of policing in Papua New Guinea for the future.

These new appointees have been assigned to various important portfolios developed under the Constabulary's restructure exercise as part of our goal to modernize the Constabulary.

Most of these officers are not only young and vibrant, but are demonstratively articulate in their career. I am sure the decision we have collectively taken as a management will inspire many young officers to raise the standard of policing in PNG.

I must admit that although certain important developmental issues were undertaken by the Constabulary under the 2013 Modernization program, the pace of growth and expansion has been painstakingly slow because of numerous factors including the tedious tender and bidding procedures and processes which caused prolonged delays resulting in costly variations and late acquittals, which ultimately affected the timely remittance of funds from Treasury. As a result some projects were either uncompleted or abandoned but in most cases, new barracks facilities were built and delivered by the contractors much to the satisfaction of my management.

I must commend former Commissioner Sir Toami Kulunga for initiating the Modernization program which also encapsulated recruitment and acquisition of resources for the Constabulary.

In line with the government's objective of increasing the Constabulary strength up to 10,000 by the year 2017, the Constabulary is now recruiting new intakes but our biggest objective now is to get the restructure recommendations approved by the government and simultaneously accelerate the construction of more infrastructures nationwide to accommodate the increased manpower and resources.

Our nation's socio-economic growth and expansion depends largely on a stable economy encouraged by good governance, increased productivity within the resource sector and more competitive spin-off activities for our people. To achieve such goals and objectives, there has to be peace and good order in our society, and the investment climate must be conducive.

The development of the resource sector, more particularly the LNG project has brought on huge investment opportunities for the nation, presenting new policing challenges as well for the Royal PNG Constabulary.

These developments continue to attract more foreigners into the country, which is good for investment and growth but the trend is also posing a risk to our national security.

Our sovereignty is threatened by transnational crimes such as money laundering, human trafficking, importation of dangerous drugs, and corporate fraud, to name a few. In other words transnational crime is a global phenomenon and Papua

New Guinea is no exception. The RPNGC and other relevant law enforcement agencies must work in partnership to explore and adapt new advanced methods of policing, to effectively detect and prosecute such crimes.

The RPNGC will continue to work closely with other state agencies such as Customs and Immigration, Fisheries, Internal Revenue Commission and all other relevant state entities, to effectively enforce the law and maintain peace and good order in our communities.

The Government's decision to reintroduce the concept of Australian Police deployment in PNG shows our commitment to accept external help from our neighbour, in all facets of development.

I must thank the Australian Federal Police and the Australian Government for funding the construction of new office buildings inside our suburban police stations, in Port Moresby and in Lae. I must also commend them for the delivery of two new buses for NCD Police Operations and for facilitating a series of on-going training programs for our members both within the country and abroad in Australia.

The Government of Papua New Guinea is ambitiously funding and expanding all government services in the country, to ensure essential government services are enhanced for the betterment of our citizens. In March 2013, the government allocated K267m funding for the Constabulary's Modernization program, purposely to help revitalize much of the Constabulary's dilapidated infrastructure, recruit more manpower, and train and re-equip the Constabulary against new emerging crime trends evolving across the globe.

Through the Office of the Minister, a submission was made to cabinet to expand more funding for the Constabulary and since then cabinet has approved increased funding of K3 billion to cover all aspects of development within the Constabulary.

Furthermore the government approved the funding of 6,000 new houses for police with procurement for this construction phase to begin early next year.

This huge commitment, if implemented is expected to propel the Constabulary to new heights.

Members of the Constabulary must live indecent homes built with quality materials and conveniently located in close proximity to their work stations so they can come to work on time and serve with commitment, loyalty and dedication.

The construction of new infrastructure and acquisition of new resources may bring half the change into the organisation but to completely revolutionize change in the Constabulary, all policemen and policewomen must accept spiritual reforms in their hearts and minds.

My vision is to redeem the Constabulary and restore discipline and pride in the hearts and minds of policemen and policewomen.

The barrage of adverse media reports on social and mainstream media has brought the image of the Constabulary into disrepute. The continuous incidents of abuse by policemen have created a feeling of animosity between the police and members of the public.

My management is committed to rebuilding this trust and confidence of the public in the Constabulary and build a new relationship based on mutual trust and understanding and respect for the law and authority.

Police work in Papua New Guinea is tough because our people are tribally and culturally acquainted or connected, aggressive and more often defiant but as professionals I expect policemen and policewomen to be tolerant, fair and honest in the dispensation of their duties and responsibilities.

The Constabulary under my leadership will train and mould leaders who can understand the issues confronting our people and firmly apply the laws without infringing on the rights

of our citizens.

I intend to expand the current recruitment training at the Bomana Police College from six to eighteen months to allow the Constabulary to churn out intakes who are disciplined, well matured and subservient to the demands of policing, in Papua New Guinea.

I will increase the recruitment age-gap from 18-35 years, purposely so that young aspiring men and women, as well as matured citizens already employed in the workforce are given the opportunity to join the Constabulary.

My priority now is to restore public trust and confidence in the hearts and minds of our people, and encourage them to be partners with the Constabulary in the fight against crime.

In 2017 the National General Elections will be staged in the country and thereafter the nation will host the APEC meeting in 2018. With these huge national and international events coming up, the security challenges facing the Constabulary are indeed massive but I am confident that the government will provide the necessary funding and support to ensure the RPNGC provides the best security for these important events.

I want to remind our fellow Papua New Guineans that peace and good order in our societies can only be effectively maintained if every citizen regardless of gender, ethnicity, religion or social status decides to take ownership of this huge responsibility.

I call on all Papua New Guineans dwelling on our beautiful islands across our great oceans, on the mountain tops, in the valleys and across the length and width of this great nation to embrace change this Christmas and make a difference for our country.

Let us unite in the true spirit of Christmas and set a new benchmark for our children's future and the destiny of this great nation.

Christmas is a time of celebration, but it is also a time of reflection, a time to forgive and reconcile and a time to make peace.

As we prepare for the festive season, we remember our colleagues who have died while serving the Constabulary in various parts of the country. In particular I wish to remember the Late Assistant Commissioner Teddy Tei who died tragically in a vehicle accident this month. He was an experienced senior police officer who had much more to give to the Constabulary and to the country. May God comfort his wife and children and the Nengka-Oiamb tribe of the Western Highlands.

I want to also thank every policeman and policewoman across the nation for their continued loyalty dedication and commitment to the Constabulary and the nation. Please continue to serve your people without fear or favour.

The Constabulary has already imposed security operations in major centres across the nation and will continue to enforce these operations into the Christmas and New Year periods. Members of the Constabulary will be working during the festive season to make our communities safe and secure.

Police records show that accidents are more prevalent during the festive season and therefore I appeal to all fellow citizens across the nation to be mindful of your safety and security.

I urge you all to celebrate in the true meaning of Christmas, by congregating in prayer and worship because Christmas symbolises the birth of our Lord Jesus.

On behalf of all members of the Royal PNG Constabulary, I wish all the people of Papua New Guinea a Merry Christmas and a safe and prosperous New Year 2016.

God bless you all.

Gari L Baki CBE, CStJ, QPM DPS
Commissioner of Police



Krismas toktok bilong Pater Victor Roche

'GUTPELA amamas bilong Krismas i go long yupela olgeta, Jenerel Seketeri bilong Papua Niugini na Solomon Ailan i tok.

Krismas em i taim bilong amamas. Em i wanpela taim bilong amamas bikos bai yu lukim ol kala kala bilas long ol stua, haus, opis, sios na planti moa. Em i taim bilong ol krismas pati, krismas presen na salim ol samting long krismas.

Tasol planti taim em i giaman amamas. Em i save kamap trupela amamas o amamas long insait taim yu putim Jisas Kraisis insait long

Krismas. Givim taim long go lotu long Krismas.

Krismas i save kamapim amamas taim i gat wanbel pasin. Larim wanbel i mas kamap insait long ol famili, klen o wanpisin na komyuniti bikos Krismas em taim bilong Bel Isi.

Krismas em i taim bilong selebret wantaim ol famili. Kraisis i bin bon insait long wanpela famili long soim olsem famili em i bikpela samting.

Krismas em i taim bilong olgeta samting bai stap gut na bel isi na wanbel pasin insait long famili na komyuniti.

Noken dring bia na kamapim hevi long famili o komyuniti.

Ol raskol i mas kisim Krismas holide na lusim ol narapela wantaim bel isi. Larim ol komyuniti insait long ol viles, ol taun na viles i selebretim Krismas wantaim bel isi.

Ol lain olsem Nesenel Kapitell Distrik na Gavana Powes Parkor i putim bikpela mani long karim Krismas selebresen i go long ol pipel, long larim ol pipel i amamas na lukim ol selebresen long Jack Pidik Pak long Mosbi na long ol narapela hap long kantri tu. Pater Roche i tok long sefti

bilong ol pipel long kain hap olsem Jack Pidik Pak i mas gat planti sekyuriti bai ol raskol i pret long ol na ol pipel i ken pilim seif.

'Lewa bilong mipela i go long ol pipel husat i kisim bagarap long ais i pundaun, strongpela san na ol narapela hevi; na ol tarangu pipel i nogat mani na kaikai na husat i sik. Yu ken gat AMAMAS na BEL ISI bilong Krismas.

MERJ KRISMAS NA AMAMAS BILONG NUUJA WANTAJM PLANTJ BLESJNG I GO LONG YUPELA!



Christmas Message from Reverend Sammy Setu, Lutheran Church, Port Moresby

The Greatest News Report (Luke 2:8-14)

THROUGH the facilities of our modern newspapers, television, radio broadcast, fax, email etc, we are kept informed of what is going on in the world.

We tune or switch on the television and get a piece of news and hear the reports of the latest events shortly after they have taken place.

Our morning and evening news reports the details of the story of current importance or interest.

We are living in a period of history in which great and important events have occurred.

However no news report will ever equal in importance the news report of the first Christmas Day two thousand years ago.

It was the greatest piece of news that was ever proclaimed and published. It is still the greatest news ever. The news report is brief, but it is of vast importance and significance. It is the news report of the Christmas angel. "Do not be afraid - Listen, I bring you news of great joy,

to be shared by the whole world.

Today in the town of David a Saviour has been born to you, He is Christ the Lord. And here is a sign for you. You will see a baby wrapped in swaddling clothes and lying in a manger."

Christmas is here again. Preparations of the festive season are in different forms, depending on the culture and nationality where we come from.

But they all convey the joyous mood, reunion, family get together, etc.

For Christians right across

culture and nationality barriers, it is a time we celebrate our reunion together with the greater family or with other people of God everywhere and sing the song the angels sang, "Glory to God in the highest and peace to men who enjoy his favour.

We should become the channels of peace and love to all men, regardless of who they are at this time of Christmas and beyond.

Merry Christmas greetings to you all and look forward for the coming prosperous New Year, 2016.

Christmas message from the Assembly Secretary of United Church - Uvenama Rova

ON behalf of the 710,000 members of the United Church in Papua New Guinea, we wish all Papua New Guineans every blessing this festive season. As Prophet Isaiah prophesied and was fulfilled in Jesus' birth, we will gather as families and communities to celebrate another joyous festive season:

"For unto us a child is born, unto us a Son is given, and the government shall be upon His shoulder. And His name shall be called Wonderful, Counsellor, Mighty God, Everlasting Father, Prince of Peace." (Isaiah 9:6)

Despite all the troubles and challenges, the Birth of Jesus Christ brought Peace to all and continues to bring peace. The United Church in Papua New Guinea, in every region with the leadership of the 11 Bishops and their Maramas will celebrate the historical birth through the Circuits with activities, in every congregation in their respective villages, wards and communities. The activities including Bible Studies, camps, teaching, preaching, caring for the disabled and the marginalised will occur as part of the celebrations. There will be exchange of gifts with one another and sharing of food throughout the festive season. Others will play sports and in-



Assembly Secretary Rova

volve in community services. What a joy it will be to have the families realise the reason for Christ's birth.

To remind the Christians this Christmas regardless of denominations, of our commitment and responsibility:

1. That we must uphold Christian principles in our celebrations because Jesus urged us to be faithful always. Allow the Holy Spirit to guide us and help us to live according to the Word (John 1:5);
2. That church leaders, clergy and laity, to demonstrate Jesus leadership model at all times - at home, in the community, in the church, in sports, in business and in relationships (Philippians 2:1-11);
3. That we must defend the Good News of Jesus Christ by setting standards for others to follow (Matthew 28:16-20),

4. That we must recognise the needs of others and help them (Matthew 25:31-46);

5. We must Pray, Read the Bible, Fellowship with one another, share the Good News with others (Romans 5:1-5);


6. We must keep our environment clean (Galatians 6:7); and

7. That we must keep the doors of our homes open to others (Hebrews 13:1-2) We pray that by end of this year 2015, many will acknowledge Jesus Christ as their Saviour by making a personal commitment.

The personal commitment is to admit that you are a sinner but Jesus Christ died for you and by accepting Jesus Christ as Lord you are inviting Him to come into your life.

So, if you know someone who has not yet accept Him, share with him or the transforming love of God demonstrated by Jesus Christ on the Cross so that you will help him or her to be saved. Remember, the Holy Spirit will convince him or her to make that decision, you are only His agent and we all must agree in Prayer.

Merry Christmas and Happy New Year.



Mathew Yakai i raitim

OL manmeri bilong Kranket Ailan long Madang i redi long kirapim bikpela pati na selebresen long makim Krismas de long Fraide Disemba 25.

Bikpela selebresen stret bai kamap long Ragetta Luteran Sios long Kranket Ailan na ol manmeri bai bihainim baibel stori taim Jisas Kraisis i bin bon long Betlehem, long kamapim ol samting bilong makim dispela selebresen

Kranket Ailan i gat 8-pela klen o wanpisin na populesen bilong dispela ailan em i moa long 2, 070 manmeri.

Ol dispela manmeri bai bung long Ragetta Luteran Sios wantaim ol kwaia, drama, komedi na arapela samting long makim dispela bonde bilong Jisas Kraisis.

Program kodineta bilong Ragetta Luteran Sios, Jack

Kranket Ailan redi long bikpela Krismas selebresen



Ol Kristen manmeri i go lotu long Ragetta Luteran Sios long Kranket ailan long Madang. Foto: Mathew Yakai

Kila, i tok; "Mipela i salim tok i go long ol arapela sios i stap long ailan tu long kam na joinim mipela. Pastaim, mipela i no save mekim olsem tasol mipela i painimaut olsem ol manmeri i amamas long kirapim dispela kain selebresen. Olsem na mipela i mekim i go bikpela."

Kranket Ailan i gat ol narapela sios tu i stap na em ol Abraham Seed, Governing Church, SDA na Bomfun Famili Fellowship.

Kranket ailan i no gat pawa bihain long PNG Power i bin katim pawa saplai i go long ailan.

Tasol Ragetta sios i baim wanpela jenereta na dispela bai saplaim pawa long Krismas taim. "Ailan bilong mipela i pisful o i nogat trabel na gutpela tru. Mipela i laikim olgeta manmeri, ol yut, ol famili momba, na ol pikinini long kam bung wantaim na amamas long dispela bikpela de we

Jisas Kraisis i bin bon." Mista Kila i tok.

Mista Kila i tok dispela selebresen bilong Krismas long Kranket Ailan bai bringim olgeta famili wantaim na amamas bikos ol manmeri long dispela ailan i save gut tru long narapela go kam.

Long wankain taim, lokol kaunsila bilong Kranket ailan, John Guluman, i tambuim olgeta yangpela man long dring stim, hombru o ol bia long dispela taim.



Soim bel isi na laik pasin bilong Krismas long ol arapela manmeri




KOMENTRI

EM i wik bilong Krismas nau na long ol siti na taun ol pipel i wok long tromoi mani long baim ol presen na kaikai long amamasim dispela bikpela pestode bilong yumi ol Kristen. Ol stua i wokim bikpela profit tru long dispela taim na ol i skruim taim bilong op i go inap nait taim bikos ol i save ol kastoma bai i kam yet long baim ol las minit presen.

Yes, dispela em i nupela pasin i wok long kamap nau long ol taun na siti insait long PNG. Ol edvetaismen i wok long pulim ol manmeri long baim ol kain kain presen bilong ol pikinini na famili na pren. Sampela bilong ol dispela presen bai i stap longpela taim.

Tasol planti bilong ol bai i bruk wantu tasol bikos ol i no kwaliti samting. Planti bilong ol em ol i wokim long ol kantri long Esia we ol i no wari tumas long kwaliti, ol i wari tasol long kisim mani. Na yumi hia long PNG i no bisi tumas moa long kwaliti. Yumi baim bikos pe bilong en i daunbilo.

Long taim yumi wari long baim gutpela presen bilong



givim famili o ol pren, o pati bilong spak longlong na pilai strong musik, mobeta yumi tingim tu ol lain husat i no inap lukim gutpela amamas bilong

Krismas long dispela yia. Planti ples insait long kantri i bin kisim bikpela taim stret long san na ais i bagarapim ol gaden kaikai bilong ol. Ol i bin

stap wantaim dispela hevi inap faiv o sikispela mun. I tru ren i stat long pundaun nau long planti provins, tasol ol kaikai long gaden bai i no inap redi inap sampela moa mun bihain olsem na planti bai i sot yet long kaikai.

Insait long ol komyuniti bilong yumi tu i gat ol lain husat i sot long samting. I gutpela long luksave long ol na givim wanem kain samting yumi inap givim.

Long dispela taim tu planti grup na ol kampani wantaim ol sios lain i soim Kristen pasin na i karim ol presen na kaikai i go long ol kalabus na ol sikmanmeri long haus sik na long ol komyuniti we i gat ol tarangu lain i stap.

Dispela pasin bilong mari-mari na serim samting wantaim ol tarangu i wanpela rot bilong soim tru bilip bilong yumi ol Kristen.

Long dispela taim tu, planti bilong yumi bai skelim gen wanem samting yumi lukim i kamap long dispela yia, 2015.

I gat planti gutpela samting i kamap na i gat ol dispela i no gutpela tumas. Tasol bikpela

samting tru em long skelim pasin bilong yumi wan wan.

Yumi bin yusim laip na save bilong yumi long helpim ol arapela manmeri o yumi yusim tasol long strongim yumi yet? Yumi opim ai na yau long krai bilong ol arapela husat i nidim helpim o yumi lukluk tasol na i no mekim wanpela samting?

Immanuel, God i save stap wantaim yumi oltaim. Yumi wan wan i piksa bilong em. Olsem na long taim yumi amamasim Krismas, yumi strongim bilip bilong yumi tu long taim yumi tingim namba wan Krismas.

God i marimari long yumi na i salim pikinini bilong em i kam daun long graun we mama i karim em olsem wanpela tarangu pikinini long haus bilong ol bulmakau.

Em i no kam long kisim biknem o namba, nogat. Tasol tude, bihain long moa 2000 yia, nem bilong em i bikpela moa yet long olgeta ples long graun na bai stap strong yet. Yumi amamasim Krismas wantaim bel isi na soim laik pasin long ol arapela manmeri!

Krismas toktok bilong Praim Minista Peter O'Neill

PRAIM Minista Peter O'Neill i salim dispela Krismas toktok i go long olgeta manmeri long Papua Niugini.

Mista O'Neill i bin stap wantaim ol pipel bilong Saraga long Six Mile, Pot Mosbi na salim dispela tok i kam olsem Krismas toktok bilong em i go long pipel bilong dispela kantri.

"Tenkyu tru olgeta lain bilong yumi long Saraga long Six Mile long Port Moresby. Mi laik makim maus bilong gavman na olgeta wok manmeri bilong kantri, mi laik tok Meri Krismas na Hepi Nu Yia long olgeta manmeri bilong kantri bilong yumi.

"Mi save olsem yia 2015 em bin wanpela hatpela yia we kantri bilong yumi i bin lukim sampela ikonomi bilong yumi i go daun liklik bikos ol prais bilong komoditi bilong yumi long kantri na long arapela kantri long wol tu i bin i go daun.

"Dispela i bin lukim ol prais bilong oil, gol na kopa i bin go daun na daunim reveniu o ol mani kantri i save kisim long larim gavman i ranim kantri bilong yumi.

"Tasol dispela em i no stopim ol arapela gutpela wok gavman bilong yumi i wok long mekim long senisim laip bilong ol man-



Praim Minista Peter O'Neill wantaim ol manmeri bilong Saraga long Six Mile, Pot Mosbi.

meri na kirapim kantri bilong yumi.

"Gavman bilong yumi i mekim planti gutpela samting long givim sevis long pipel, senisim laip bilong manmeri na kirapim kantri bilong yumi.

"Mipela i kirapim fri edukesen, mipela i kirapim fri helt kea, mipla i wok hat long daunim ol hevi bilong lo na oda insait long kantri bilong yumi, mipela i putim planti mani tru i go insait long infrastraksa na kirapim planti rot, planti bris, planti ples balus, planti ol wof insait long olgeta hap long kantri bilong yumi.

"Dispela gavman em i gavman bilong pipel. Em i luksave

long ol liklik manmeri i stap long distrik na provins. Mipela i putim planti mani i go insait long ol wan wan distrik na wan wan provins.

"Gavman i putim moa mani tumas i go insait long ol komyuniti na dispela kain strongpela wok na pasin bilong luksave long ol pipel long grasruts level i wok long kirapim planti gutpela senis.

"Kantri bilong yumi i wok long lukim planti gutpela senis i kirap.

"Mi laik tokim yupela olsem neks yia bai wanpela hatpela yia gen. Tasol mi save olsem gavman bilong yumi i gat ol gutpela memba, ol gutpela lida, na gut-

pla ol minista, husat i wok strong long larim dispela gavman i daunim sampela ol samting nogut ol pastaim gavman i bin mekim.

"Dispela gavman bai no inap mekim gen dispela kain ol nogut samting. Dispela gavman bai larim ol pikinini bilong yumi na olgeta manmeri bilong yumi i gat brait fiutsa o gutpela sindaun long kantri bilong yumi long bihain taim.

"Olsem na yumi mas wok wantaim. Yumi mas strongim kantri bilong yumi. Yumi mas strongim ikonomi bilong yumi long dispela taim.

"Tude long dispela taim long Saraga, mi laik tok tenku tru long Memba bilong Mosbi Saut, Justin Taktchenko na Minista bilong Lens na Fisikal Plening, Benny Allen, husat i kam stap wantaim yumi.

"Tenkyu tru olgeta gutpela manmeri bilong Six Mile na Saraga. Mipela olgeta i tok bikpela Meri Krismas na Hepi Nu Yia i go long olgeta sitisen o manmeri bilong dispela naispela kantri bilong yumi.

"Yumi olgeta i tok Meri Krismas long Papua Niugini.

"Papa God i blesim yupela olgeta na tenku tru," Mista O'Neill i tok.



Published Weekly, Thursday, for Word Publishing Company, Ltd.

P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga


Editor
Veronica Hatutasi

Published at
Able Building
Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Em nau!

Ol pikinini
i ken painim
ol presen
bilong ol
wantaim
Wantok
kru...



Stori bilong tumbuna

Ples ol i kolim “AMBULUA”

Bipo bipo tru i gat wanpela ples ol i kolim “AMBULUA” insait long Jimi (Jiwaka WHP). Dispela ples Ambulua i gat tupela wanpela maunten ol i save kolim “Oip- Ku.”

Longdispela ples Ambulua i gat tupela yangpela meri i save stap. Mama na papa bilong tupela i dai lusim tupela na tupela yet i save stap long dispela ples. Nem bilong tupela susa em Oip na Ku. Oip em bikpela meri pinis na Ku em liklik meri yet.

Wanpela morning tupela susa i kirap na painim rop long wokim bilum. Tupela i wokabaut bihainim wara i go antap long maunten. Tupela painim i go kamap long dispela maunten, we i gat gutpela gras long sindaun na kisim kol win na malolo.

Tupela i sindaun na kisim malolo na bihain, Oip i tokim Ku long sindaun wetim em bai go painim sampela moa rop. Na bikpela i kirap lusim liklik bilong em na go. Turangu liklik ya i sindaun na wetim em i go painim tudak long dispela hap. Bihain Oip i kam bek na singaut painim em, tasol Ku i hariap tru tanim em na kamap olsem ston. Oip i lukim olsem na em i wari nogut tru na kra i wantaim na kam bek long ples.

Long neks de, Oip i tokim ol narapela haus lain long ples na ol i wokim bikpela kaikai long ples na kolim dispela maunten “Oip-Ku.”

Nau yet dispela maunten i stap olsem mak bilong tupela susa ya. Het bilong meri i sindaun antap long ston maunten.

Mireia bilong Spain i winim Mis Wol

MIREIA Laguna Royo bilong Spain i kamap wina bilong Mis Wol 2015 kompetisen o resis long sauten Saina ailan risot bilong Sanya.

Sofia Nikitchuk bilong Rasia i kamap namba tu na Maria Harfanti bilong Indonesia i kamap namba 3 long las wik Sarere nait bihain long wanpela longpela resis i lukim 114 meri.

Olgeta meri i makim kantri bilong ol i bin win long sampela lokol na rijonel kompetisen. Dispela win i makim namba wan win bilong wanpela meri Spain.

‘Mi ting dispela em i gutpela disisen, bikos Mis Wol i no lukim bodi bilong mipela, ol i lukim spirit bilong mipela,’ Laguna, i gat 23 krismas



Mis Wol Mireia Laguna Royo bilong Spain (namel), Sofia Nikitchuk bilong Rasia, (lephan), na Maria Harfanti bilong Indonesia (raitnan) long pinis bilong Mis Wol selebresen long saut Saina.

model bilong Baselona wantaim digri long famakoloji i tok.

Em i kamap namba wan model na grisim ai bilong ol jas wantaim pablik toktok bilong en.

‘Mi ting em i bikpela samt-ting olsem ol i no laik long lukim tasol bodi bilong mipela, ol i laik lukim ol gut-

pela pasin bilong mipela tu,’ Mis Wol i tok.

Long wankain taim, meri i no stap long dispela resis em Mis Kenada, husat i bin bon long Saina, Anastasia Lin. Ol i bin stopim em long kalap long balus long Hong Kong i go long Sanya las mun bihain long Saina i tok no gat long visa bilong en.

Lin i save toktok strong long rilijen polisi bilong Saina na i save bihainim Falun Gong meditesen prektis we Saina i bin stopim long 1999.

Taim em i winim Mis Kenada taitel, ol sekyuriti i go long papa bilong Mis Lin long tokim em long stopim pikinini meri bilong em long pasim maus.



TOK PISIN NEWS

from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service	
6am - 7am	6080; 7240(KHZ)
7pm - 9pm	5995; 6020; 9710; 1280(KHZ)

PNG Domestik Vailens i mas go daun long 2016



Wanpela mama we man i paitim em i soim het ol i putim plasta we em i kisim bikpela bagarap long em. Ol poto: ABC

Caroline Tiriman i raitim

I gat askim olsem 2016 i mas kamap olsem wanplea yia we ol pipel bilong Papua New Guinea i mas daunim pasin bilong domestik vailens o paitim na mekim no gut long ol meri. Dispela em askim bilong Helen Hakena, Siameri bilong Humen Rait long Not Bogenvil na tu, em i dairekta bilong Leitana Nehan Di-velopmen ejensi long Buka.

Misis Hakena i mekim dispela toktok bi-hainim wanpela ripot we i soim olsem planti meri tru long kantri i save bungim domestik vailens. Sampela i wok long askim olsem bilong wanem na ol man i save paitim ol meri olgeta taim long PNG. Long 2013, nesenel gavman i bin oraitim Famili Proteksen Lo bilong daunim domestik vailens, tasol dispela lo i no wok gut.

OI PNG wok developman i bagarapim laip bilong pipel



Kakao fama, Odelia Taman, wantaim ol lain bilong Food Bowl.

Caroline Tiriman i raitim

OL wok developman olsem Oil Pam na loging i wok long kamapim planti hevi tru long ol pipel bilong Papua New Guinea. Dispela em i toktok bilong Nibert Pames, wanpela papa graun na komyuniti lida bilong Pomio long Is Nu Briten Provins we ol foren kampani i

wok long katim daun ol bikbus long planim oil pam. Em i tok nau planti wari i wok long kamap olsem planti famili i wok long bruk, planti vailens, na tu planti stil pasin i wok long kamap. Mista Pames i tok tu olsem, maski ol kampani i save kliarim graun bilong mekim wok egrikalsa, ol i no lukim ol gutplea sevis olsem helt, ol rot na tu ol skol.

Vanuatu bai yusim boksing long strongim helt

John Papik i raitim

I gat wanpela gutpela tingting i kamap nau long Vanuatu long yusim pilai boksing long strongim o promotim gutpela helti living namel long ol pipel. Jack Manuel Chillia em i mausman bilong dispela program na em i tok bikpela tingting long dispela program em long mekim ol

yangpela pipel bilong ol narapela spot na ol pipel nating long kam insait na lainim ol wei bilong stap strong na helti long laip bilong ol. Kaikaim ol gutpela na raitpela kaikai em narapela bikpela tingting long dispela program. Jack Manuel Chillia i stori long hau dispela tingting i bin kamap.

Vanuatu lau ko Grup bai resis long ileksen

ILEKSEN bai kamap long Januari bihainim hevi bilong ol wok politik. Ol pipel bilong Vanuatu bai go long jeneral ileksen long makim nupela gavman long mun Januari long 2016. Long stat blong dispela mun, Presiden bilong Vanuatu, Bouldwin Lonsdale, i bin pasim Vanuatu Palamen long wanem, sampela

memba bilong gavman i bin go long kalabus bihainim ol pasin korapsen na kisim gris mani. Na long jeneral ileksen long mun bihainim bai lukim wanpela lain ol i kolim ol yet louko grup bai resis long dispela ileksen olsem wanpela politikel pati na o li tingting pinis long sanapim 9-pela kendidet long dispela ileksen.

OI PNG tisa i no gat holide tiket



OI PNG skol pikinini i amamas long pinis skol pati.

John Papik i raitim

OL tisa i laik go bek long ples bilong ol, tasol gavman i no givim ol mani long baim tiket. Long ol dispela yia i laik go pinis wanpela bikpela wari bilong ol tisa long Papua New Guinea em holide mani bilong ol. Wantaim skol holide i kamap gen long mipela, dispela stori i kamap gen. Dispela wik lukim wanpela askim i kam

long PNG Tising Sevis Komisn, we em i askim olgeta Provinsel Edukesen atoriti long salim kwik ripot blong ol i go long Tising Sevis Komisn long we ol i yusim mani bilong ol long baim holide tiket bilong ol tisa long provins bilong ol. Siaman bilong PNG Tising Sevis Komisn, Baran Sori i toksave bilong wanem na em i bikpela samting long ol i mas kisim dispela ripot.

OI PNG meri i amamas long kantri bai stopim plastik bek

Caroline Tiriman i raitim

GAVMAN bai stopim wok bilong yusim plastik bek long mun bihain na em i laikim pipel long yusim ol bilum bek long ol stua na maket. Florence Jaukae Kamel em i wanpela bilum promoti na trena wantaim Bilum Promotion and Export Association long PNG i tok ol meri husat i save mekim ol bilum long Papua New Guinea nau i amamas tru long gavman it okaut long stopim pasin bilong yusim ol plastik bek long karim ol samting long stua o long ol maket. Dispela i min olsem ol pipel i mas yusim ol

bilum taim ol i go baim ol samting long stua o long maket. Dispela tambu long yusim ol plastikbek bai stat long Januari namba 1 long 2016. Minista bilong Egrikalsa na Laipstok, Tommy Tomscoll, it ok despela tambu bai helpim bilum bisnis long PNG. Mista Tomscoll i tok tu olsem ol plastik bek i save kamapim planti pipia tumas long ol siti na taun bilong kantri. Florence Jaukae Kamel emi wanpela bilum promoti trena wantaim Bilum Promotion na Ekspot Asosiesen i tokim Redio Australia olsem em i wanbel stret wantaim dispela tingting bilong gavman.

PNG manmeri ting wanem long Krismas?



EM I KRISMAS taim nau na planti manmeri long PNG long rurel ples na taun bai amamasim dispela Kristen malolo long kain kain rot bilong ol yet. Planti lain bai lukim Krimas olsem spesel taim insait long Kristen kalenda long olgeta yia we ol manmeri long taun na rurel eria i save luksave wantaim malolo, go lotu long Krismas nait na ol arapela samting. Hia em nius ripota James G. Kila i kisim tingting bilong ol manmeri long Madang long wanem mining bilong Krismas long laip ol.



SERAH KAPU

(Manus provins) i tok olsem Krismas em spesel taim long tingim taim mama Maria i karim bebi Jisas long Betlehem. Olsem na yumi ol Kristen manmeri i mas amamas wantaim wan wan famili bilong yumi na tingim dispela spesel taim.



JANET TINDIPU

(Sauten Hailans) i tok Krismas em ol manmeri bilong ples graun i no save olsem em i no taim stret Mama Maria i karim Jisas. Em i tok planti lain i no bihainim Hibru kalenda, ol i bihainim Gregory kalenda, na em i no taim stret mama i karim Jisas.



JACKLYN PAINING

(Nu Ailan provins) i tok Krismas em spesel taim bilong ol famili i bung wantaim na serim ol samting, soim pasin bilong laikim wanpela arapela na tu, tingim bikpela Jisas Kraus husat i kamdaun long graun long sevim yumi.



BENEDICT BRUS

(AROB) i tok Krismas em i spesel taim long wan wan famili i bung na lotu wantaim na serim kaikai wantaim na tingim taim Mama Maria i karim Jisas, husat i kamdaun long graun na kamap man long sevim yumi ol manmeri bilong graun long pasin sin.



SAMUEL MASAWA

i tok Krismas em taim bilong sindaun gut wantaim famili na lusim ol olupela pasin nogut yumi bin mekim na senisim laip. Sapos yu no man bilong lotu, yu mas go long lotu, na wanem rong yu mekim long wanpela arapela yum as tok sori long dispela man o meri na lusim rong bilong wanpela arapela na sindaun isi na lukautim famili.



TIMOTHY LIWA

(Madang) i tok long dispela Krimas em bai stap gut wantaim famili na ol wanpisin bilong em long Danben viles long Saut Ambenob na selebret long gutpela Kristen spirit bilong bung-wantaim. Ol bai wokim kendol nait long sios wantaim lotu na amamas wantaim. Em i tokaut olsem stat long yia 2007 i kam em i save bisi long wok long Basamak i no bin stap wantaim famili. Olsem na 2015 em bai spesel taim blong em wantaim famili long bung na amamas na tingim gutpela laip Papa God i givim.



ANNIE MAIDA

(Madang) i tok Krimas em spesel taim long kalenda bilong ol Kristen sios bilong lotu na onarm Jisas. Em i taim long tingim taim Mama Maria i karim Jisas long Betlehem long sevim yumi ol sin manmeri long graun.



FLAVIOIR TEEHEN

(Madang) i tok Krismas em i taim bilong tingim Jisas taim Mama Maria i karim em. Em i taim bilong soim respek long taim Mama Maria i karim Jisas long kamap olsem man long graun na bihain indai long rausim sin bilong yumi ol manmeri long graun.



ANDREW KAULEI

(Manus) i tok sisen bilong Krismas em taim bilong amamas wantaim family na frens. Em i tok long planti ples em taim nau bilong ol famili husat i stap longwe long go bung wantaim ol femili long ples na soim pes na amamas long tingim bikpela Jisas Kraus em Mama Maria i karim em long rausim sin bilong yumi ol manmeri long ples graun.



BRIAN OTTO

i tok Krismas em i taim long amamas wantaim famili na tingim Kristen pasin na lotu na luksave long bon de bilong Jisas Kraus em Mama Maria i karim em long Betlehem. Em taim bilong senisim pasin na tingim laip Papa God i givim yumi na stap gut na bihainim gutpela Kristen pasin.



Krismas i min wanem long yu?



Wantok ripota, Esther Wani, i toktok long sampela manmeri long Mosbi na kisim ol tingting bilong ol long Krismas i min wanem samting long ol.

Nem: Marilyn Balus
Provins: Westen Hailans



Krismas em taim we Jisas i bon na yumi selebretim de bilong Jisas na lotu. Yumi mas senisim sampela pasin nogut we yumi i save mekim na tu, senisim laip bilong yumi na givim long Bikpela. Taim bilong Bikman i kam em i klostu na yumi mas wanbel wantaim ol famili na bung insait long haus na go ausait na lotu em i moa gutpela. I gutpela long amamasim dispela de na selebretim long kain kain we, tasol i moa gutpela long lotu na senisim laip.

Nem: Dorcas Semende
Provins: Isten Hailans



Mi no ting olsem long Krismas, wanpela samting bai kamap. Em i bon de bilong Jisas na olgeta taim yumi stap em olsem wankain yia, de, wik na nogat wanpela samting i save senis. Tasol bikpela samting em yumi mas lotu, wanem samting yu tok long lusim olsem buai, smuk o bia yu lusim tasol em i no inap senis yumi. Yumi lotu nau bai lotu tasol i senisim olgeta samting na bai yumi stap. Mi no ting olsem wanpela gutpela samting bai kamap long laip bilong yumi long dispela Krismas, em i olsem de bilong Jisas tasol. I no olgeta man bai senis long dispela Krismas.

Nem: John Marabe
Provins: Hela



Long mi, Krismas em i spesol taim we yumi save tingim taim Jisas i bin bon. Mi save go long sios na stap wantaim ol famili na ol pipel mi save laikim. Mipela save preisim God long marimari na laik pasin bilong Em na tok tenkyu long Jisas long daunim em yet long mak bilong mipela na long laik pasin bilong em. Tasol, long 5-pela krismas i go pinis mi no bin go long sios. Long dispela as, mi no save singim ol Krismas karol moa. Tasol, mi laik lusim smuk, buai na bia dispela krismas na tanim bel na bihainim Jisas. Mi bai lusim rong bilong ol birua bilong mi na mekim gut long ol. Mi bai lusim olgeta sin na kisim Jisas long laip bilong mi. Dispela em i spesol taim long laip bilong mi na mi laik mekim gutpela samting.

Nem: Suzannah Kuias
Provins: Is Sepik na Sentral



Nem: Julie Willie
Provins: Isten Hailans



Mi save kisim krismas olsem taim we ol famili i stap long kain kain hap bai kam bung. Sampela bilong yumi i no save long yumi yet tasol, taim krismas i kamap yumi save bung na luksave long yumi yet. Em taim bilong baim presen bilong ol famili na stap wantaim.

Krismas em olsem long tingting bilong mi. Mi gat bikpela amamas olsem Jisas em i bon long dispela taim. Long dispela, mi save gat bilip olsem mi bai rispektim Jisas na i no amamasim naying Nu Yia o Krismas. Mi no gat laik long dispela, bikpela laik bilong mi em mi amamas olsem Jisas em bon na long yu na mi.

PNG POWER Ltd *Stap Seif wantaim Elektrisiti!*

OL NOGUT KRISMAS LAIT

OL GUTPELA KRISMAS LAIT

TOKSAVE BILONG PNG POWER I GO AUT LONG GENERAL PABLIK OLSEM SAMPELA STOA I WOK LONG SALIM OL KRISMAS LAIT WE OL I PUTIM TAMBULONG OL.

OL DISPELA LAIT I NOGAT BIKPELA PLASTIK KARAMAP LONG OL NA TU OL PLAK I NO GUTPELA. BAIM TASOL KRISMAS LAIT I GAT OL BIKPELA PLASTIK KARAMAP LONG WAIA NA OL GUTPELA PLAK.

ASKIM OL PAPA BILONG STOA LONG SETIFIKET PEPA I GAT TOK ORAIT BILONG PNG POWER LONG OL KRIMAS LAIT SAPOS YU TINGTING PLANTI.

Nem: Judith Kira
Provins: Atonomos Rijen bilong Bogenvil



Nem: Steven Farapo
Provins: Gulf



Long mi, Krismas em i taim we Jisas i bin bon na em i taim bilong stap wantaim ol famili bikos em famili i bin stat long en. Em i gutpela long stap wantaim ol famili.

Mi ting olsem Krismas em i taim bilong lukluk bek na tingim ol samting yumi bin mekim. Tru tru mining bilong Krismas i lus pinis, we ol pipel long wol i yusim dispela taim long mekim moa mani long gutpela sindaun bilong ol. Tasol, Baibel i skulim yumi long ol tok hait o tok bokis we yumi save gut long en bai yumi kisim bikpela blesing.

Niuspepa bilong yumi ol PNG stret!!



salim Meri Krismas na HEPI NIU YIA

igo long ol Klaiant, kastoma na ol Ridas bilong mipela!

Bikpela tenkyu i go long ol bikpela kaiant na kastoma husat i stap long dispela lista long sapot bilong yupela. Mipela lukim yupela na kisim sapot gen long yia 2016..

Investment Promotion Authority
Opposition's Office
Department of Education
Foreign Affairs & Immigration
Government House
Leader of the Opposition Office
Office of Libraries & Archives
Migration & Citizenship
Dept of Mineral Policy & Geohazards Management
National Housing Corporation
PNG Institute of Public Administration
Dept of Petroleum & Energy
PNG National Museum & Art Gallery
Dept of Provincial & Local Government
Electoral Commission of PNG
Catholic Church
Correctional Institutional Services
Court Houses National & Supreme Courts
Department of Agriculture & Livestock
Dept of Communication & Information
Dept of Environment and Conservation
Dept of Finance
Dept of National Planning & Monitoring

Dept of Treasury
Dept of Works
Electoral Commission of PNG
Forest Ministry
Justice & Attorney General Dept
Law Reform Commission
Magisterial Service
Ministry of Agriculture & Livestock
NAQIA
National Economic & Fiscal Commission
National Fisheries Authority
National Statistical Office
Telikom PNG
Interoil
Office of Higher Education
Oil Search Ltd
PNG Power Ltd
Police - Royal PNG Constabulary
Prime Minister & NEC
Public Enterprises Ministry
Bank of PNG
NCDC
DEPT of Health
Dept of Trade Commission & Industry
Media Partners
National Economic & Fiscal Commission
National Statistical Office
PNG Ports

CPL Group of Companies
Bemobil-Vodafone;
Paradise Food & Beverage
National Court House
ANZ Bank
Nambawan Super Limited
Kumul Petroleum Holdings Limited
Ministry of Public Enterprises (Kumul Investments Limited)
Brain Bell & Co Limited
ITI - International Training Institute
Opposition Leader Officer
PVM Advertising,
Origin Energy
Air Niugini
Link PNG
Bank South Pacific
Comrade Trustee Services Limited
UNDP
United Nations Resident Coordinators Office

Westpac Bank
ExxonMobil
CE Hardware
Trukai Industries Limited
Johnston's Pharmacies Limited
Dept of Labour - Work Permits
Dept of Labour - NTCC
Dept of Labour - Office of the Secretary
National Parliament - Civic & Education
PNG Motors
Ela Motors
Boroko Motors
Theodist

Tenkyu Olgeta!! Lukim yu long 2016!



Piku project kisim strong moa long EMPNG

EXXONMOBIL PNG i patna wantaim Yunivesiti bilong Canberra long wok bilong lukautim na banisim ol nus pik trausel bikos dispela kain trausel i no kamap planti moa.

Long dispela yia, ExxonMobil PNG Limited (EMPNG), operetta bilong PNG LNG Projek i sapotim Piku projek wantaim moa long K290, 000 long mani.

Dispela nus pik trausel o Piku, we em i nem bilong en long Kikori Delta, Galp na Noten Teritori bilong Australia i wanpela kain liklik trausel we i gat bikpela nus olsem pik.

EMPNG Menesing Dairekta, Andrew Barry i tok ExxonMobil i gat strongpela tingting long lukautim wanpela narapela kain samting we em i stap long dispela kantri tasol. Em bilong holim kain enimal olsem long bihain taim ol tumbuna lain bai i ken lukim.

"Mipela i givim helpim long ol kain program bikos em i sapotim na strongim environment. Piku Projek em i wanpela gutpela piksa long wanpela komyuniti konsevesen NGO inap long kamapim trupela wok," Andrew i tok.

Fanding bilong program i sapotim planti ektiviti olsem komyuniti autris long kamapim moa awenes bilong trausen, na tu long monitarim long helpim long luksave wei bilong dispela

trausel i save stap na wanem kain birua em i save pesim. .

Program i gat kepesiti bilding long kamapim moa teknikal lain long i gat save bilong konsevesen saiens long PNG we bai i gat mas-tas risets digri skolasip i stap insait. Wanpela master's research degree scholarship.

Yolarnie Amepou husat i bin kisim skolasip pastaim, nau i stap long Kikori insait long 7-pela mun long helpim long wokim ol kainkain wok bilong konsevesen.

"Risets em i namba wan wok i mas kamap long konsevesen. Nau mipela i gat 14 lokal man bilong helpim i kisim trening long was long ol ples we ol dispela trausel i save kam antap na putim kiau na kisim longpela bilong trausel na 52 volantia wantaim ol komyuniti long was long ol man long ples husat i save kilim trausel bilong kaikai," Amepou i tok.

"Mipela i mekim sampela bikpela wok pinis long olgeta eria bilong risets bilong mipela na fanding long EMPNG em i namba wan long dispela helpim."

Yunivesiti bilong Canberra Profesa, Arthur Georges i tok olsem program em i no lukautim tasol dispela narakain trausel. Nogat. Em i bilong strongim komyuniti awenes long ol i mas lukautim gut envairomen bilong bihain taim bai trausel i gat ples bilong putim kiau yet,"

Arthur i tok.

Wantaim dispela projek, i gat tripela buk bilong ol pikinini we ol i kamapim pinis wantaim 15,000 kopi long givimaut long ol 14 skul long Kikori.

Long stat bilong dispela yia, Piku Projek tim i bin wok wantaim Pot Mosbi Neisa Pak long putim wanpela taim bilong soim ol dispela trausel na long statim wok bilong lukautim ol kiau long long ol bai bruk na bihain ol i lusim ol i go bek long wara bilong Kikori. Dispela wok bilong putim ol ples klia em bai pinis long 2016.



Nus pik trausel em i wok long pinis isi, isi.



Lokal komyuniti i wok bung long lukautim ples bilong ol trausel i malolo na putim kiau.

Moni Plus sapotim RSPCA edukesen program

SHINEY husat i makim RSPCA bilong PNG, na em i gat 5-pela mun i go pas na kalap, kalap i go insait long Moni Plus het opis las wik long em yet laik soim tok tenyu long David Kelso, Menesing Dairekta bilong Moni Plus, long wanpela donesen Moni Plus i givim long enimal welfe ogenaisesen.

Dispela em i namba tu taim long Moni Plus i bekim singaut bilong RSPCA long painim main bilong mekim wok bilong lukautim ol enimal.

"Menesmen bilong Moni Plus i tok amamas long RSPCA enimal welfe kempein long edukesen program bilong en na long wok bilong bungim ol paol enimal olgeta wik long strit. Edukesen program bilong ol i save larim ol long go long ol komyuniti na toktok long ol skul pikinini long 5-pela fridom bilong ol enimal.

Ol i wok long mekim tu kempein long no ken salim na baim ol wail laip long ol strit we em i soim birua long ol enimal. Em i gutpela long lukim wok bilong RSPCA i mekim gutpela wok long ol paol enimal long komyuniti long taim ol i save bungim ol dispela enimal long ol strit bilong siti. Dispela kain ol kempein em Moni Plus i save laik strongim, mipela soim sapot bilong mipela wantaim dispela donesen," Mista Kelso i tok.

RSPCA bilong PNG em i amamas long dispela gutpela sapot. Em i save kamap tasol long komitmen na gutpela bel bilong ol bisnis na ol wanwan man na meri husat i gat wankain tingting olsem mipela na bilip long misin bilong mipela olsem RSPCA bai mekim yet dispela kain gutpela wok," RSPCA Komyuniti Liaison Kodineta, Brigitte Baki-Ta'u i tok.

Long piksa em (namel) Shiney wantiam Menesing Dairekta bilong Moni Plus, David Kelso, (long lephan bilong Shiney) na RSPCA Komyuniti Liaison Kodineta Brigitte Baki-Ta'u (long raithan bilog Shiney). Shiney em i wanpela bilong ol 35 dok na pusi we RSPCA i kisim long rot na i wok long lukautim ol long banis.





GLASIM RAMU NICO PROJEK



Wanpela Ramu Nico, Wanpela Komuniti

Indipenden konsalten wokim floral sevei long Ramu NiCo projek



Oi wokman bilong KMK Ltd sekim ol gras na bus long Basamuk eria long Raikos.



Oi KMK wokman wantaim Ramu NiCo HSE opisa sekim ol flaua na diwai.



Oi wokman long fil wok i karimaut wok painimaut.

RAMU NiCo Menesmen (MCC) Ltd i givim wok pinis long wanpela independen konsalten bilong Papua Niugini yet, ol i kolim KMK Limited (KMK) long mekim wok-painimaut long ol kain kain gras na flaua na bus-diwai we stap insait na arere long Basamuk Rifaineri eria long Rai Coast Distrik, Madang provins.

Dispela em nupela na nambwan taim tru wok painimaut long ol flaua na kain kain gras i kamap nau long Basamuk eria.

Ramu NiCo i bihainim na wokim wok stret aninit long Operesen Enviromen, Menesmen Plen (OEMP) bilong en em Nesenel Gavman i tok-orait long en na kisim KMK Ltd, husat i wanpla enviromen, sosel, na sasanabiliti kampani husat i gat bikpela save stret long stadi bilong bilong ol gras, bus na flaua long ol maining projek long PNG.

Dispela sevei o wok-painimaut i bruk long tupela hap, namba wan long lukluk long ol gras na flaua we i kam long utsait na gro insait long projek area. Na namba tu em lukluk long plant stap insait long ol bus na gaden bilong ol manmeri arere long rifainerii na bihain skelim tupela wantaim olupela o pastaim stadi bin kamap bipo long kampani i stat.

Dispela floral sevei tu bai i kamap long Kurumbukari main eria long Usino-Bundi distrik

Menesin dairekta bilong KMK Limited, husait em wanpala Profesa long Applied Ekoloji long Yunivesiti bilong Canberra, Dr Benedict Yaru, i tok tim bilong em i redi long karimaut wok painimaut na givim ripot i go long Ramu NiCo wantaim ol stekholda bilong en.

Dr Yaru wantaim tim bilong em i gat bikpela saveman olsem Botanist (man husait i save long flava plant diwai, na narapla save man bilong ol bush plants i bai wokim dispela wok painimaut.

Tim bilong em i bin wokim wankain wok painimaut long ol narapla mining, oil na gas, na agri-forestri kampani olsem Ok Tedi, Chevron Niugini Ltd, Oil Search Ltd na Placer Pacific husat i wokim maining long Misima Main.

Dr Yaru i pinisim bikpela skul stadi bilong em long Enviromen Biologi long Yunivesiti ov Teknoloji long Sydney, Australia, long wok painim out bilong em long wara plant insait long Fly River save kisim pipia bilong kopa main na rausim i go long

envairomen bus, graun na wara.

Dr Yaru tok strong tu olsem o papa graun long ol main projek i mas noken stap tasol na mekim ol giamian toktok na sutim tok tumas long ol divelopa. Ol i mas save na lukim samting long ai stret na lukim bagarap i kamap stret pastaim long ol i wokim ol toktok..

Em tok olsem wantaim ol ekpiciens em i gat em i amamas long Ramu NiCo yusim kampani bilong em long wokim dispela sevei o wok painimaut long Basamuk na Kurumbukari we em tok ol bai wokim gutpela wok na givim ripot i go long kampani.

Dr Yaru tok dispela studi ol pinisim bai tokaut i stret sapos igat ol narapela gras, flaua o diwai t speices kam insait long Basamuk and Kurumbukari we bai bagarapim ol dispela gras, flaua na diwai we i save stap pastaim.

Em i tok ol bai wokim rekot na kisim ripot salim givim wanem wok kampani i mas wokim wantaim ol patna bilong em daunim, lukautim, kontrolim na menesim na lukautim bus, graun na wara long tupela projek eria.


Tim bilong KMK Limited bai kamapim tripela eria ol i kolim tensekt long putim was na tu lukautim long lukautim ol olupela gras, flaua na diwai. Em tok tu olsem dispela tu bai lukluk na was long operesin bilong rifaineri long Basamuk na KBK Main. Em tok dispela ripot bai helpim tu ol narapela patna olsem National Agriculture Quarantine Inspection Authority, (NAQIA) na Conservation na Environment Protection Authority (CEPA) ol bai usim dispela long wokim wok bilong ol.

Ramu NiCo Korporate HSE Supevisa, Zhou Pan tok ol amamas long wok wantaim Dr Yaru na tim bilong em long lukim dispela sevei i pinis long taim stret.

Em tok pinis long Bsamuk, tim bai go antap long Krumkukari mine ples long skurim wok painimaut.

Tupela ripot wantaim bai ol bungim na givim i go long kampani wantaim ol narapla stekholda

Mista Zhou tok olsem dispela wok painimaut bai kamapim klia sapos i gat ol nupela gras, flaua na diwai i stap long Basamuk na Kurumbukari, na sapos i gat, wanem rot bai i yusim long stopim o daunim hevi noken bagarapim ol olupela gras, flaua na diwai long tupela projek eria.



Ramu NiCo trenim nupela manmeri long HSE

RAMU NiCo i kisim 16 greduet bilong PNG Yunivesiti ov Teknoloji na trenim ol long helt, sefti na envairomen (HSE).

Ol dispela manmeri i pinisim skul na Ramu NiCo i kisim ol aninit long greduet developmen skim (GDS). Ol bai kisim wan yia trening long Basamuk rifaineri trening senta.

Ol dispela yangpela manmeri i pinisim skul bilong ol na i greduet aninit long ol fekaliti olsem maining ensiniaring, sivil ensiniaring, ilektrikel ensiniaring, mekenikel ensiniaring, kemikel ensiniaring na aplaid pisiks.

Ramu NiCo i kisim ol olsem greduet treni aninit long GDS.

Ramu NiCo Basamuk Rifaineri Trening Kodineta, Jonathan Karato, i bin karim aut ol indaksen wok bilong ol dispela manmeri long Desemba 2-8, 2015.

Mista Karato i tok Ramu NiCo GDS bilong yia 2016 bai kamap long wanpela yia tasol na dispela bai stretim ol dispela manmeri long redi long wok long bisnis o ensiniaring sait.

Ol dispela manmeri i nau stap aninit long wan wan



16 Unitek sumatin i sanap wantaim Basamuk Rifaineri trening kodineta Jonathan Karato (raithan).

dipatmen long Basamuk Rifaineri.

Ol dispela wan wan dipatmen em ol instrumentesen, neutralaisesen na prodak, hai presa esid lisjin plent, esid plent, laimston, fikst ikwipmen plent na anti-korosen dipatmen.

"Taim ol dispela manmeri i bungim save ol i kisim long skul na long wok ples stret, ol bai kisim gutpela trening stret aninit long dispela program bilong Ramu NiCo long statim nupela laip bilong ol,"

Mista Karato i tok.

"Ramu NiCo i luksave olsem dispela trening em bai givim long ol dispela manmeri bai helpim ol long kirapim nupela wok laip long ol ples bilong wok long wan wan fil bilong ol.

"Long dispela as, Ramu NiCo i kisim ol dispela manmer aninit long GDS program na mipela bai sapatim ol long lainim ol nupela samting na helpim ol kamap gutpela wok manmeri long bihain taim bilong ol," Mista Karato i tok.

MRA bosman lukluk raun long Ramu NiCo rifaineri



Mista Samar wantaim ol menesmen tim bilong Ramu NiCo Basamuk Refaineri i sanap arene long haus bilong ol wokman.

MENESING Dairekta bilong Mineral Risos Atoriti (MRA), Philip Samar, i bin go lukluk raun long refaineri bilong Ramu NiCo long Basamuk long Sarere Disemba 12.

As tru bilong dispela raun em long sekim na save gut long ol sefti na opresen bilong refaineri long Basamuk long dispela taim we prais bilong nikel long wol maket i wok long pundaun i go daun.

Ramu NiCo i bin yusim dispela sans long soim Mista Samar ol ap-det bilong maining projek na mentenens wok we ol wokman i bin mekim long olgeta sistem bilong rifaineri.

Ramu NiCo i bin pinisim gut olgeta ol mentenens wok bilong ol sistem bilong Basamuk rifaineri long Novemba 5- 20.

Presiden bilong Ramu NiCo, Wang Jicheng na Deputi Jeneral Menesa bi-

long Refaineri, Bill Hill i bin amamas long dispela raun bilong Mista Samar na tupela bikman i bin soim em long ol samting bilong wok olsem proses na standet bilong rifaineri na laimston kweri wantaim.

Mista Samar i bin amamas stret taim em i go lukluk raun long laimston kweri bikos em i bin lukim gutpela na strongpela sefti standet bilong wok i stap.

Em i tokim ol wokman long wok hat na larim dispela kain gutpela sefti standet i stap yet long Ramu NiCo.

"Mi amamas tru long lukim planti gutpela samting Ramu NiCo i mekim long hia namel long planti ol salens yupela i bin bungim. Mi laik tok tenkyu long ol gutpela wok yupela i mekim long bungim ol sefti standet bilong maining indstri. Mista Samar kirap nogut

na amamas long lukim Ramu NiCo i kisim i kam insait kain ol biknem kampani olsem Orica PNG long glasim gut na bihainim sefti standet long laimston kweri bilong Basamuk Rifaineri.

"Dispela i soim olsem yu (Ramu NiCo) i putim i go pas sefti standet bilong yu long kamapim gut ol wok long dispela maining," Mista Samar i tok.

Mista Jicheng i tok Ramu NiCo i wok long mekim ol samting long bungim sefti standet bilong maining we PNG gavman aninit long MRA na narapela ol gavman ejensi i putim.

"Mipela i laik bihainim ol lo bilong maining indastri bilong dispela kantri na mipela i amamas long bikpela sapat MRA na ol arapela gavman ejensi i save givim long mipela," Mista Jicheng i tok.

Aviesen indastri lukim planti senis



Siaman bilong ASPA na CEO bilong Air Niugini, Simon Foo (Iephan) i sanap wantaim Seketeri Jeneral bilong ASPA, George Faktaufon, long wanpela bung bilong ASPA long Kokopo las yia.

AVIESEN indastri o balus bisnis i wok long lukim planti senis i kamap na sapos ol balus kampani i no lukluk gut long ol dispela senis, aviesen bisnis bai no inap ran gut.

Ol bikpela senis i save kamap taim ol balus kampani i kisim ol nupela balus i kam insait, ol gavman i kamapim nupela lo bilong aviesen indastri na sampela ol senis we i save kamap taim ol balus kampani i senisim ol wokman na sistem.

Asosiesen ov Saut Pasifik Ealains (ASPAs) i kirapim dispela toktok taim ol i holim namba 63 miting long Brisbane, Australia long Desemba 2-4.

Dispela bung i bin lukim planti ol saveman long aviesen indastri i toktok long ol rot ol balus kampani insait long Saut Pasifik rijon i mas bihainim long abrusim ol hevi we ol senis long indastri i save kamapim.

Siaman bilong ASPA, Simon Foo, husat i CEO bilong Air Niugini, i tok tenkyu long olgeta manmeri husat i bin makim maus bilong ol balus kampani na ol arapela

patna bilong aviesen indastri. "ASPAs i kisim ol toktok na sampela ol rekomedesen yupela i bin givim na ripot bilong dispela bai kamap long narapela bung bilong mipela," Mista Foo i tok.

Moa long 115 manmeri i bin kam long dispela bung na dispela em i bikpela bung bilong ASPA. Ol pastaim bung bilong ASPA i no save lukim bikpela namba bilong ol manmeri.

Ol manmeri husat i bin kam long dispela miting i makim maus bilong wanwan balus kampani, ples balus, kampani bilong mekim balus, kampani bilong hariarim balus, konsalten bilong aviesen indastri, ol lo man, ol insurens kampani na ol arapela manmeri.

Narapela bung bilong ASPA bai kamap long Honiara, Solomon Ailan long Me 5-6, 2016.



Port Moresby to Port Vila

Our schedule Pt Moresby-Pt Vila WED 1000HRS | Pt Vila-Pt Moresby THU 0800HRS

Air Niugini connecting Melanesia.

Call Toll Free on 180 3444 or contact your nearest Air Niugini Travel Centre or Travel Agent for further details.

Air Niugini   
www.airniugini.com.pg

Albay Vulcans i pilai egensim Manila Storm

Ragbi Lig i bungim ol PNG sumatin na ol Filipino



Referi bilong gem, Martin Yanda na Man bilong Gem, James Osias, i holim awat bilong em bihain long gem.

PAPUA Niugini i save pilai ragbi lig olsem nesene spot long kantri. Dispela i mekim na ol PNG sumatin i stap long Filipins i kirapim ragbi lig long hap we no gat luksave long en.

Manila Storm em tim bilong ol PNG sumatin long Filipins we ol i kamapim na Albay Vulcans em i tim bilong ol Filipino sumatin. Gem i stat long wanpela Fraide apinun we ol liklik pikinini i opim ragbi gem wantaim 10 minit gem.

Long 3:15 long apinun Manila Storm na Albay Vulcans i go insait long fil na singim nesene entem bilong PNG na Filipins long givim rispek long tupela kantri.

Ol i pilai gem long 80 minit stail wantaim 40 minit hap taim. Manila Storm i gat 18 pilai tasol ol i pilai gut na i abrusim ol Albay Vulcans long graun bilong ol.

Kosa bilong Manila Storm, Tim Buipe i tok, "Manila Storm i mekim gut bihain long namba wan gem egensim Hong Kong

residen tim we ol i lus."

Yunivesiti bilong Perpetual Helpim sumatin, Martin Yanda, husat i bin pilai hap bek bilong Lae Snax Tigers long Nesene Ragbi Lig Digicel Kap long PNG i stap referi long dispela gem.

Dispela gem i lukim Manila Storm i win wantaim 36 poin na Albay Vulcans i win wantaim 14 poin. Olsem 300 manmeri i bin lukim dispela gem.

Man bilong Gem awat i go long Manila Storm Lok namba 13, James Osias.



Manila Storm na Albay Vulcans i pilai.

OL PAPUA Niugini sumatin i skul long Pilipin i mekim na ol Filipino sumatin long i bung wantaim ol long pilai ragbi lig.

PNG em wanpela kantri tasol long wol i save pilai Ragbi Lig olsem nesene spot. Ol i kisim dispela pasin i go long Filipins long hap we ol i skul.

PNG i mas wanpela kantri tasol long wol we ol pilaia i

kalap long tupela bas na lusim skul long 9 klok long Fonde nait. Gem i kamap long Fraide apinun long 3 klok we ol i ran long rot olsem 13 awa. Dispela laik bilong ragbi ol i soim long ol Filipino poro bilong ol.

Manila Storm kosa, Tim Buipe i tok, "Ol Manila Storm pilaia i kamap long Lagazpi siti long 10 klok long Fraide moning na kisim malolo long

5-pela awa bihain ol i go long Bicol Yunivesiti graun long 3 klok apinun gem."

Long wankein taim, man i kamapim Albay Vulcans, Ric Raymond Bellen i tok, "Taim ol PNG sumatin long ol narapela provins i harim olsem ol i pilai Ragbi Lig gem long Legazpi siti ol i kalap long kar na kam olsem tripela awa long lukim gem!"

PNG Netbal Tim i winim planti pilai ong Singapor

Caroline Tiriman long ABC i raitim

LONG Nesens Kap Netbal tonamen long Singapor, Papua New Guinea nesene tim, Pepes, i wok long winim ol narapela tim na ol i stap long top level o mak long ol lain i wok long win, Lua Rikis Kepten bilong Pepes i tok.

Long dispela wik, ol i bin winim Singapore Invitational tim wantaim wanpela gol na skoa i sanap long 37-36.

Tumora ol Pepes bai pilai egensim Noten Ireland, na i luk olsem dispela tupela sait bai pilai gen long fainel long Sarere.

Netbal em i wanpela pilai em planti meri i save pilai long en long Papua New Guinea na tu long ol narapela kantri long Pasifik rijon.

Kepten Lua Rikis i tok strongpela laik long winim ol gem o pilai i mekim ol i sanap strong egensim ol narape tim long dispela resis long Singapo.

Pepes Netbal tim i redi long pilai long Singapor. Foto: ABC



SHEF de Misin bilong Tim PNG long 2015 Pasifik Gems, Richard Kassman, i tok aut long rot we ol i bin kamapim gem long PNG.

Kamssman i tok, PNG i winim sans long hostim 2015 Pasifik Gem long yia 2009 na bihain PNG Olimpik Komiti na PNG Spot Faundesin i bin bung long yia 2010 long mekim plen long mekim gol medal kempein. Dispela plen em i bikipela

tru na PNG Spot Faundesin i lukautim Talen ID Program na PNG Olimpik Komiti i lukautim "Go bilong Gol (G4G)" program.

Long yia 2011, ol i bin ske-lim ol gaidlain bilong G4G wantaim ol Nesene Federe-sen, husat i gat ol plen bilong ol yet long winim ol medal long 2015 Pasifik Gem.

Talen ID na G4G i stat long Ogas, 2012 taim gavman i putim mani i go insait. Na in-

sait long 4-pela yia, 2012 inap long 2015, mani bilong G4G Program i larim nesene skwad long wok wantaim long domestik na intanesene kemp na kisim ol namba wan kosa long narapela kantri na resis wantaim ol long intanesene kompetisen.

Planti skwad bilong Tim PNG i trening long ol narapela kantri we G4G i putim mani bilong ol.

PNGOC i sapotim toktok bilong IOC

PAPUA Niugini Olimpik Komiti (PNGOC) i soim sapot bilong em long nupela dikleresen long gutpela bilong spot na lukautim ol gutpela pilaia we Intenesene Olimpik Komiti (IOC) i stat long lukautim ol long Desemba 10, 2015 long Lausanne, Switsalan.

Taim ol i lukluk long dispela nupela dikleresen, IOC i lukluk long promotim na kari-maut gutpela gavenens na trenparensi long dispela eria.

Dispela dikleresen i gat 3-pela rot wankein long strongim na developim moa yet ol rul bilong gutpela gavenens insait long spot. Dispela ol rot bai lukluk long gutpela gavenens.

Presiden bilong PNGOC, Sir John Dawanincura, i tok em i welkamim IOC dikleresen bikos em i save wok-about long tupela eria we Olimpik Komiti i save stap strong long en.

"Bihainim rul bilong gutpela gavenens em i wanpela samting we PNGOC i save amamas long en. Mipela i save olsem gutpela gavenens i save strongim long kamapim gutpela kala bilong spot na pilaia na strongim ol pilaia bilong ol," Dawanincura i tok.

Sir John i tok moa olsem em i gutpela tru bilong spot na ol pilaia i ken save gut long gutpela rul i save kamap long rait bilong ol etli.

Kassman i rivyu long Pasifik gem



1



2



3



4



5



6

- 1 Midfilda bilong Gigira i putlim bal namel long tupela Rapatona pilaia long NSL pilai long Sarere. Tupela tim i dro 0-0.
- 2 Kepten bilong Hekari Muta i laik paim bal i go long wan pilaia taim tupela PS United i kam na stopim em. Hekari i win 3-1.
- 3 TIM EREMA GALP.
- 4 Beta bilong Gezelle i laik paitim bal tasol em abrus na ketsa bilong Admiralty i ketsim long sofbal pilai namel long ol long Bisini.
- 5 Pilaia bilong Taitens i kalap long abrusim pilaia bilong Panters long tasim em long Gordons tas resis.
- 6 Dispela dok man i raun insait long pilai graun long Gordons tas ragbi. Em I sekim pilai graun tasol sapos i gat hevi.

IMPROVED TASTE! Niupela teist wantaim planti mit na oil. Teistim na bai yu laikim moa yet.

DIANA

Tuna



**Emi tuna
bilong PNG**

PROUDLY
PNG
MADE

Manufactured by:



RD Tuna Canners Ltd.

Moa mit na
oil insait



TUNA IN OIL

NSL kisim Malolo



STAP LONGWE: Pilai meka na kepten bilong Hekari Muta i holim bal long lek bilong em na bainis straike bilong PS United Yamo long kisim bal. Hekari i win 3-1. *Poto Nicky Bernard.*

Nicky Bernard i raitim

TELIKOM Nesenel Soka Lig bai go insait long malolo long tupela wik bilong Krismas na Nu Yia bihain long 5-pela raun pilai.

Long wiken go pinis, long pinisim raun 5, Hekari i go pas yet long poin lata bilong Sauten konfrens bihain long ol winim PS United 3-1.

Galp Erema i kam bihain long Hekari bihain long ol pilai strong na kam bek long bihain long mekim dro wantaim Pom FC 1-1 long Sande pilai bilong ol long Bisini.

Rapaton na Gigira i bin dro 0-0 long Sarere pilai bilong ol. Dispela pilai bilong i no go daun gut long ol kosa na sapota bilong tupela tim wantaim long sampela ol disisen bilong referi.

Tupela tim wantaim i gat planti sans long skoa planti gol tasol ol pilai i pilai wantaim bel hevi long we referi namel long pilai graun i paulim sampela disisen bilong pilai.

PS United i kamapim gutpela na strongpela pilai wantaim ol Hekari long mein gem long Sarere. Hekari i traim olgeta kain stail pilai bilong ol long pasim bal go kam tasol ol pikinini Sipik i putim was olsem pukpuk long banis bilong ol.

Hekari kisim laki sans long namba wan hap taim gol kipa bilong PS i traim long rausim bal na i go pas stret long bros bilong

straike bilong Hekari na bal i rol go insait long net bilong PS.

Long namba tu Hekari i wok hat long bringim skoa bilong go antap, tasol banis bilong PS i no bruk, ol strongim moa yet olsem namba wan hap.

Hekari i go skoa gen bihain long wanpela tru bal na gol kipa bilong PS ful bek bilong i paul long husat bai kisim dispela bal, straike bilong Hekari i kisim gep namel long tupela na pusim bal isi tasol go insait long net bilong PS.

PS i kisim wanpela penelti na strika bilong kikim go insait long mekim skoa 2-1. Ten minit bipo long pilai pinis Hekari i mekim stail pilai bilong ol long pasim bal i go kam na mekim ol PS i lukluk tasol. Winga bilong Hekari i lukim straike bilong i stap ples kliia na nogat PS pilaia i makim em, em pasim bal go stret long straike bilong ol na straike bilong em mekim samting stret long skoa namba tri go bilong ol.

Long 5-pela raun dispela tim bilong PS i bin pilai gut tru long bek lain i go long fran lain na dispela tim bilong PS United ol narapela tim long Sauten konfrens mas putim was bihain long malolo bilong Krismas na Nu Yia.

Telikom Nesenel Soka Lig bai statim namba tu raun bilong ol long Janueri 9, 2016. Sampela bilong ol pilaia husat i laik muv go long narapela tim i ken mekim bipo long pilai i stat gen long Janueri 9.

Smail Wantaim



Good Products, Better Prices, ikam long

Johnstons Pharmacies Ltd

P.O.Box 1066, Boroko, Papua New Guinea.

Tel +675 325 3185 Fax +675 325 0190 Email sales@johnstons.com.pg

Ol samting long klinim tit.